

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Komisija za koncesije



BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Commision for Concession

I Z V J E Š T A J O R A D U
KOMISIJE ZA KONCESIJE

ZA PERIOD 01.01.2015.- 31.12.2015.GODINE

Tuzla, April 2016.godine

I UVODNI DIO

Komisija za koncesije Tuzlanskog kantona (u daljem tekstu: Komisija) je regulatorno neovisno tijelo koje obavlja funkcije i vrši ovlaštenja u vezi sa dodjelom koncesija koje su u nadležnosti Kantona, i u svom radu se zalaže za zadovoljavanje javnih potreba i gospodarski razvoj putem uključivanja privatnog sektora u finansiranje, projektovanje, izgradnju, obnovu, održavanje i rukovođenje radom infrastrukture i za nju vezanih objekata i uređaja, usluga i eksploataciju prirodnih resursa i objekata koji služe njihovom iskorištavanju, vodeći računa o zaštiti privrednih i društvenih interesa, zaštiti okoliša, kao i pravičnom odnosu prema privatnom sektoru.

Komisija se u svom radu i odlučivanju u izvještajnom periodu, oslanjala na slijedeće zakonske i podzakonske akte:

- Zakon o koncesijama („Službene novine Tuzlanskog kantona“, broj: 5/04, 7/05, 6/11, 1/13 i 11/14), u daljem tekstu Zakon,
- Dokument o politici dodjele koncesija na području Tuzlanskog kantona(„Službene novine Tuzlanskog kantona“, broj: 7/06),
- Pravila o utvrđivanju minimalnih naknada za koncesije („Službene novine Tuzlanskog kantona“, broj: 7/09),
- Pravila Komisije za koncesije Tuzlanskog kantona – (05.09.2005.godine),
- Pravilnik o uspostavljanju i vođenju registra koncesija („Službene novine Tuzlanskog kantona“, broj: 5/12),
- Pravilnik o unutrašnjoj organizaciji Komisije za koncesije TK, decembar 2005.godine
- Pravilnik o radnim odnosima Komisije za koncesije TK – (17.09.2010.godine),
- Pravilnik o nabavci roba, usluga i radova postupkom direktnog sporazuma- (05.12.2005.godine)
- Pravilnik o nabavci roba, vršenju usluga i ustupanju radova - (06.10.2005.god.)

Izvještaj o radu Komisije, podnosi se na osnovu odredbi člana 16. Zakona, kojim je propisano da Komisija podnosi izvještaj o svom radu u prethodnoj fiskalnoj godini, Vladi Tuzlanskog kantona, najkasnije do 31.maja tekuće godine, koja isti nakon razmatranja dostavlja Skupštini Tuzlanskog kantona na razmatranje i usvajanje.

U skladu sa članom 14. Zakona, Komisija je dužna da pripremi i godišnji finansijski izvještaj i uključuje ga u izvještaj o radu u prethodnoj fiskalnoj godini.

Prema odredbama Zakona, Izvještaj o radu Komisije sadrži podatke o podnesenim zahtjevima, odnosno zahtjevima za reviziju, broj i vrstu donesenih odluka, mišljenja i zaključaka, očitovanje na upite koje je Komisija razmatrala kao i sve druge relevantne informacije u vezi sa radom Komisije. Godišnji Izvještaj o radu Komisije ima za cilj da informiše Skupštinu Tuzlanskog kantona, ali i širu javnost, o aktivnosti Komisije na provođenju zakonskih i podzakonskih propisa iz oblasti koncesija i javno-privatnog partnerstva.

Komisija , prema važećem Zakonu, broji sedam članova, od kojih su pet stalni članovi, a dva člana se kooptiraju iz općine na čijem se području nalazi predmet koncesije za koji je potrebna saglasnost, član 3.stav 1.tačke 8., 11., 12., 13. i 14 (javni linijski prevoz osoba u međugradskom prometu na području Kantona, korištenje poljoprivrednog zemljišta koje nije predmet restitucije, hoteli i ostali turistički objekti, prostori za sport i rekreaciju, komunalne djelatnosti i druge javne službe, kao i izgradnja, održavanje i korištenje komunalnih objekata, ako drugačije nije utvrđeno posebnim zakonom).

Pet stalnih članova Komisije, uključujući predsjednika i zamjenika predsjednika, imenuje Skupština Kantona, na prijedlog Vlade Kantona, iz reda istaknutih stručnjaka u oblasti prava, ekonomije i inženjerstva, na period od pet godina, s tim da mogu biti birani na još jedan mandatni

period. Predsjednik i zamjenik predsjednika Komisije ne mogu biti predstavnici istog konstitutivnog naroda.

Komisija na svojim sjednicama raspravlja i odlučuje o slijedećim pitanjima i materijalima :

- Dokumentu o politici dodjele koncesija na području Tuzlanskog kantona i prati njegovo izvršenje i o tome podnosi izvještaj Vladi Kantona,
- Pravilima Komisije za koncesije Tuzlanskog kantona,
- Pravilima o utvrđivanju minimalnih naknada za koncesije,
- opštim i pravnim aktima Komisije za koncesije,
- izjašnjavanje na tekst javnog poziva na tender,
- Studijama ekonomske opravdanosti za svaki projekat kojim je predviđeno davanje prirodnih resursa na koncesiju prije javnog pozivanja ponuđača,
- davanju ovlaštenja nadležnom ministarstvu za vođenje pregovora sa ponuđačem koji je dostavio samoinicijativnu ponudu, za koju postoji javni interes
- prijedlogu odluke o dodjeli koncesije
- odobravanju prijedloga ugovora o koncesiji
- praćenje cjelokupnog rada koncesionara u cilju osiguranja snabdijevanja potrošača uslugama i pri tome naplate adekvatne naknade za ove aktivnosti,
- razmatranje žalbi potrošača u vezi sa iznosima naknada, kvalitetom i uslovima za snabdijevanje uslugama,
- preispitivanju već donešenih odluka,
- odlučivanje o svakom zahtjevu ili zahtjevu za reviziju podnesenom u skladu sa Zakonom i Zakonom o upravnom postupku
- dostavljanje svih relevantnih informacija koje se nalaze pohranjene kod Komisije na zahtjev općinskih vijeća sa područja Tuzlanskog kantona, ministarstava i ostalih institucija vlasti Tuzlanskog kantona, Federacije BiH i BiH.
- izrada godišnjeg izvještaja i dostavljanje nadležnima na usvajanje
- donosi odluke i priprema prijedloge rješenja u vezi s obavljanjem poslova iz nadležnosti Komisije propisanih Zakonom o javno-privatnom partnerstvu i podzakonskim propisima
- drugi poslovi i zadaci po zahtjevu Vlade i Skupštine Tuzlanskog kantona

Komisija, kao regulatorno tijelo, učestvuje u postupku dodjele koncesije i glavna joj je zadaća da obezbijedi transparentnost i nediskriminaciju prilikom dodjele koncesija domaćim i stranim pravnim osobama na području Tuzlanskog kantona. U postupcima dodjele koncesija pored Komisije učestvuju ministarstva, koja odredi Vlada Tuzlanskog kantona, u čijoj je nadležnosti određeni predmet koncesije, tako da na vrijeme koje je potrebno od raspisivanja javnog poziva (tendera) ili dostavljanja samoinicijativne ponude, do dodjele koncesije i potpisivanja ugovora direktno zavisi od ažurnosti prije svih ministarstava i Komisije.

U izvještajnom periodu nije bilo prijedloga od strane ministarstava kao potencijalnih koncesora, za dodjelu koncesija putem javnog poziva (tendera), tako da su aktivnosti Komisije bile usmjerene na realizaciji ranije započetih postupaka dodjele koncesija putem samoinicijativnih ponuda, kao i otpočinjanje postupka dodjele koncesije putem samoinicijativnih ponuda dostavljenih od strane pravnih lica u toku 2015.godine.

Tokom 2015.godine, Komisija je održala 52 (pedeset dvije) sjednice. Na sjednicama su razmatrani dostavljeni zahtjevi i materijali od strane resornih ministarstava u Vladi TK u skladu sa propisanim procedurama. Donošene su odluke i zaključci po pitanjima odobravanja studija tehnološke opravdanosti, davanju saglasnosti za vođenje pregovora koncesorima, davanju mišljenja na prijedloge obračuna koncesionih naknada, zapisnika o vođenju pregovora i dostavljanje prijedloga odluka o dodjeli koncesije prema Vladi TK i odobravanje ugovora o koncesijama.

U izvještajnom periodu od strane resornih ministarstava u Vladi TK dostavljeno je 50 zahtjeva za rješavanje i odlučivanje, i nakon njihovih razmatranja, Komisija je donijela:

- 7 Odluka o odobravanju Studije tehno-ekonomske opravdanosti
- 7 Odluka o davanju ovlaštenja za vođenje pregovora
- 13 Odluka o odobravanju ugovora i aneksa ugovora
- 11 Mišljenja na obračun minimalnih naknada za koncesije
- 10 Prijedloga odluka o dodjeli koncesije
- 1 Prijedlog odluke o prenosu ugovora o koncesiji
- 1 Prijedlog odluke o odobravanju prenosa glasačkih prava

Pored razmatranja dostavljenih zahtjeva i donošenja odluka i zaključaka po tim predmetima, Komisija je na sjednicama razmatrala i planove i izvještaje o izvršenim kontrolnim nadzorima rada koncesionara i praćenju izvršenja ugovora o koncesijama, razmatrala i donijela Izvještaj o radu za 2014.godinu, razmatrala i donijela Program rada za 2015.godinu, razmatrala i utvrđivala stavove po pitanju učešća na javnim raspravama, dostavljala odgovore na upite ministarstava u Vladi TK, javnih organa TK, Federacije BiH i BiH, pravnih i fizičkih lica čiji je predmet interesovanja bio najčešće tok aktivnosti i potrebna dokumentacija za sticanje prava za korištenja predmeta koncesije i drugo.

U izvještajnom periodu kao koncesori su evidentirani Ministarstvo industrije, energetike i rudarstva (21 ugovor), Ministarstvo poljoprivrede, šumarstva i vodoprivrede (20 ugovora) Ministarstvo prostornog uređenja i zaštite okolice (1 ugovor) i Ministarstvo obrazovanja, nauke, kulture i sporta (1 ugovor), što je prikazano u Tabeli 1.

Sve naprijed navedene aktivnosti su izvršavane u zakonom predviđenim rokovima, odnosno u skraćenim rokovima na koje se Komisija obavezala i kroz unapređenje administrativnih postupaka kroz IFC projekat, tako da je odlučivanje u predmetima nakon dostavljanja kompletne dokumentacije trajalo najviše desetak dana, a često i znatno kraće.

II PROGRAMSKI DIO

Programom za 2015.godinu, bilo je planirano da se vode postupci u 11 (jedanaest) predmeta, a kao rezultat po okončanju tih aktivnosti trebalo je da se zaključi 9(devet) novih ugovora o koncesijama, dok je za preostalih 2 (dva) predmeta planirano da se dio aktivnosti prenese u 2016.godinu. Tokom 2015.godine zaključeno je 6 (šest) novih ugovora i početkom 2016.godine još 2 (dva) nova ugovora o koncesiji, a u međuvremenu za jedan predmet u kojem su započete aktivnosti, Ministarstvo poljoprivrede, šumarstva i vodoprivrede je zbog nedostataka u dostavljenoj dokumentaciji, obustavilo postupak.

Bitno je istaći da je nadležnost u vođenju postupaka za dodjelu koncesija, podijeljena između Komisije, resornih ministarstava, Vlade Tuzlanskog kantona i Kantonalnog pravobranilaštva.

Analizom realizacije Programa rada, nesporno je da je Komisija sve svoje radnje, koje je bila u mogućnosti, izvršila u zadanim rokovima.

Takođe je, shodno članu 20. Zakona o koncesijama, propisano je da Komisija vrši nadzor, provjeru rada koncesionara i praćenja izvršenja koncesionaih ugovora koji su zaključeni i dostavljeni Komisiji.

Ciljevi nadzora i provjere izvršenja ugovora o koncesiji je prevashodno kontrola ažurnosti koncesora prilikom sačinjavanja zapisnika, obračuna koncesione naknade i izdavanju odgovarajućih odluka i rješenja, na osnovu kojih će biti plaćena koncesiona naknada, te provjera poštivanja ugovora o koncesiji od strane koncesionara po svim aspektima, a naročito da li koncesionu djelatnost obavlja u skladu sa ugovorom i da li redovno izmiruje obaveze po osnovu koncesionih naknada.

U izvještajnom periodu kao koncesori su evidentirani Ministarstvo industrije, energetike i rudarstva (21 ugovora), Ministarstvo poljoprivrede, šumarstva i vodoprivrede (20 ugovora)

Ministarstvo prostornog uređenja i zaštite okolice (1 ugovor) i Ministarstvo obrazovanja, nauke, kulture i sporta (1 ugovor). Prema ugovorima o koncesijama obračun koncesione naknade se vršio većinom kvartalno, sa izuzetkom RMU „Banovići“ gdje se koncesiona naknada utvrđivala mjesečno.

U skladu sa naprijed navedenim, Komisija je izvršila nadzor i provjeru izvršenja svih ugovora o koncesiji koji su na snazi, u šestom mjesecu 2015.godine i u dvanaestom mjesecu 2015.godine, te kod svih subjekata nadzora sačinila zapisnike iz kojih je vidljivo da se koncesioni ugovori u većini slučajeva poštuju, a detalji ispunjavanja finansijskih obaveza su dati u tabeli 6., u dijelu izvještaja „Prihodi od koncesija“.

Informacija o izvršenom kontrolnom nadzoru obavljenom u junu 2015.godine, shodno Programu rada Komisije za 2015.godinu, dostavljena je Vladi Tuzlanskog kantona na razmatranje pod brojem: 20/1-05-17768/15 od 23.07.2015.godine, koja je usvojena Zaključkom Vlade Tuzlanskog kantona, broj: 02/1-05-17768/15 od 28.07.2015.godine.

Nadzor, provjeru rada koncesionara i praćenje izvršenja koncesionih ugovora u decembru 2015.godine, Komisija je u potpunosti realizovala po unaprijed utvrđenom planu, u periodu od 26.11.2015. – 29.12.2015.godine.

UGOVORI O KONCESIJAMA - 2015.godine

I MINISTARSTVO INDUSTRIJE, ENERGETIKE I RUDARSTVA - KONCESOR

Tabela 1.

r.b.	KONCESIONAR	DAT.UGOV./ANEKSA	Rok god	predmet ugovora	jed mje.	KM/ jed.mj.	Napomena
1.	"GRAMAT" d.o.o. Gračanica	13.11.2012.	10	eksploatacija krečnjaka	m ³	0,50	
2.	"KAM. DRIJENJČA" d.o.o. Gračanica	31.12.2015.	2,5	eksploatacija krečnjaka	m ³	0,53	
3.	"RUDNIK KREČNJAKA VIJENAC" d.o.o. Lukavac	10.07.2002.	20	eksploatacija krečnjaka	m ³	0,40	
4.	JP "EP BiH" d.d Sarajevo ZD Rudnici „Kreka“ d.o.o. Tuzla	01.01.2006.	5	eksploatacija uglja	t	0,50	Osnovni Ugovor
		23.04.2012.	1				Anex III ugovora do 31.12.2014.
5.	JP "EP BiH" d.d Sarajevo ZD RMU „Đurđevik“ d.o.o. Đurđevik	28.02.2006.	5	eksploatacija uglja	t	0,70	Osnovni Ugovor
		21.01.2016.	1,5				Anex V Ugovora do 30.06.2016.
6.	RMU "BANOVIĆI" d.d. Banovići	21.12.2012.	30	eksploatacija uglja	t	1,00	
7.	"TERAKOP" d.o.o. Živinice	01.07.2010.	20	ekspl. tehničkog građev.kamena	m ³	0,55	
8.	"TERME" d.o.o. Gračanica	09.10.2009.	20	eksploatacija plina CO2	t	0,50	
9.		12.06.2013.	20	Eksploatacija termomineralne vode	m ³	0,005	
10.	Rudnik soli "TUZLA" d.d. Tuzla	25.02.2013.	30	eksploatacija slane vode	m ³	0,07	
11.	"PIVARA" d.d. Tuzla	05.07.2013.	5	eksploatacija mineralne vode	m ³	9,00	
12.	„PLANTRANS DIJABAZ“ d.o.o. Banovići	01.07.2012.	20	eksploatacija dolerit-dijabaza	m ³	0,75	
13.	"INGRAM" d.d. Srebrenik	27.09.2002.	20	eksploatacija krečnjaka	m ³	0,40	
14.	"JATA GROUP" d.o.o. Srebrenik	24.08.2007.	10	eksploatacija krečnjaka	m ³	0,40	
15.	"PJESKARA" d.o.o. Dobošnica	16.03.2010.	20	eksploatacija kvarcnog pijeska	m ³	0,60	
16.	"JABLAN" d.o.o. Srebrenik	31.10.2011.	5	Eks.građevin.kamena krečnjaka	m ³	0,50	
17.	JP "EP BiH" d.d Sarajevo ZD Rudnici „Kreka“ d.o.o. Tuzla	24.05.2012.	5	Ekploatacija kvarcnog pijeska	t	0,50	
18.	"GEOINŽENJERING" d.o.o. Kladanj	23.04.2013.	5	Eks.građevin.kamena krečnjaka	m ³	0,50	

19.	„RUDAR“ d.o.o. Tuzla	29.08.2014.	20	Ekploatacija rude magnezita	t	0,80	
20.	JZU „ILIDŽA“ Gradačac	31.10.2014.	30	Ekspluat.termomineralne vode	m ³	0,20	
21.	„T.S.E.-Transport Speciali Europei“ d.o.o. Kladanj	10.07.2015.	5	Ekspluat. kamena krečnjaka	m ³	0,50	

II MINISTARSTVO POLJOPRIVREDE, ŠUMARSTVA I VODOPRIVREDE - KONCESOR

Tabela 1.(nastavak)

r.b	KONCESIONAR	DAT.UGOV./ ANEKSA	god	predmet ugovora	jed mje.	KM/ jed.mj.	Napomena
22.	JP "SPREČA" dd Tuzla	03.09.2012.	30	Korištenje vode iz hidroakumulacije „Modrac“	m ³ kWh	0,0012 0,002	
23.	JP "KOMUNALAC" d.d. Gradačac	23.05.2012.	30	kor.pitke vode za snabd.stanov.	m ³	0,013	
24.	JP "VODOVOD I KANALIZACIJA" d.o.o. Banovići	23.05.2012.	5	kor.pitke vode za snabd.stanov.	m ³	0,01	
25.	JP "VODOVOD I KANALIZACIJA KALESIJA" d.o.o. Kalesija	23.05.2012.	30	kor.pitke vode za snabd.stanov.	m ³	0,013	
26.	JP Vodovod i kanalizacija "SREBRENİK" d.o.o.Srebrenik	30.04.2013.	10	kor.pitke vode za snabd.stanov.	m ³	0,013	
27.	"MUŠKA VODA" d.o.o. Kladanj	13.01.2012.	30	Zahvatanje i flaširanje prirodne izvorske vode	l	0,0065	
28.	"GRAMAT" d.o.o. Gračanica	03.09.2012.	10	Korištenje vode iz bunara B1 za potrebe tehnološkog procesa	m ³	0,02	
29.	Farma"SPREČA" d.o.o. Sarajevo, podružnica Kalesija, Donje Vukovije	25.05.2012.	20	Korištenje poljoprivrednog zemljišta za ratarsku proizvodnju	ha	165,00	
30.	"VOĆNI RASADNIK" d.o.o. Srebrenik	03.09.2012.	30	Korištenje poljoprivrednog zemljišta za voćarsku proizvodnju	ha	175,00	
31.	JP"ELEKTROPRIVREDA BiH" d.d. Sarajevo	26.09.2013.	5	Korištenje vode hidroakumulacije „Snježnica“	m ³ kWh	0,003 0,002	
32.	"ALFE-MI" d.o.o. Živinice	16.10.2013.	20	Korištenje vode iz bunara koji se nalazi u krugu privrednog društva	m ³	0,018	
33.	"ZOVKO OIL" d.o.o. Žepče, BS Živinice	09.12.2013.	5	Korištenje vode iz bunara u sklopu benzinske stanice u Živinicama	m ³	0,150	
34.	"KOBENS" d.o.o. Priluk, Živinice	27.12.2013.	5	Zahvatanje i flaširanje prirodne izvorske vode "Kristal"	m ³	2,00	
35.	"MAJEVIČKI STUDENAC" d.o.o. Donja Obodnica, Tuzla	24.01.2014.	5	Zahvatanje i flaširanje prirodne izvorske vode "Majevički studenac"	m ³	2,00	
36.	"GPG INŽENJERING" d.o.o. Lukavac	21.03.2014.	5	Zahvatanje i flaširanje prirodne izvorske vode "Dewa"	m ³	2,00	

r.b	KONCESIONAR	DAT.UGOV./ ANEKSA	god	predmet ugovora	jed mje.	KM/ jed.mj.	Napomena
37.	JP"Vododvod i kanalizacija" d.o.o. Gračanica	13.01.2015.	15	kor.pitke vode za snabd.stanov.	m ³	0,013	
38.	"INMER" d.o.o. Gradačac	09.06.2015.	30	Korištenje vode iz bunara koji se nalazi u krugu privrednog društva	m ³	0,10	
39.	"Vododvod Vrelo" d.o.o. Mionica-Centar, Gradačac	03.08.2015.	20	kor.pitke vode za snabd.stanov.	m ³	0,013	
40.	"Konjuh Natural Resources" d.o.o. Sarajevo	29.09.2015.	30	Zahvatanje i flaširanje prirodne izvorske vode u općini Kladanj	m ³	2,00	
41.	"Papago" d.o.o. Lukavac	21.12.2015.	20	Zahvatanje vode na izvorištu Planinsko vrelo i flaširanje iste	m ³	2,00	
42.	RK "Vijenac" d.o.o. Lukavac	26.01.2016.	20	Korištenje vode iz vodozahvata Crpna stanica „Vrela“ Jaruške G.	m ³	0,15	
43.	„EEH-HIDROENERGIJA" d.o.o. Gračanica	03.03.2016.	30	Korištenje vode iz vodotoka rijeke Spreče za objekat MHE	kWh	0,003	

III MINISTARSTVO PROSTORNOG UREĐENJA I ZAŠTITE OKOLICE - KONCESOR

r.b	KONCESIONAR	DAT.UGOV./ ANEKSA	god	predmet ugovora	jed mje.	KM/ jed.mj.	Napomena
44.	"EKO-TOPLANE" doo Gračanica	13.01.2011.	30	snabdijevanje toplotnom energ.	MWh	0,16	

IV MINISTARSTVO OBRAZOVANJA,NAUKE,KULTURE I SPORTA - KONCESOR

r.b	KONCESIONAR	DAT.UGOV./ ANEKSA	god	predmet ugovora	jed mje.	KM/ jed.mj.	Napomena
45.	Tenis klub "SREBRENİK" Srebrenik	05.11.2012.	15	Izgradnja tri teniska terena		1%prihoda	Raskinut Ugovor 01.12.2015.godine

U odnosu na prethodni izvještajni period, ukupan broj zaključenih ugovora o koncesiji je povećan za 8(osam), s tim da je na kraju izvještajnog perioda raskinut jedan ugovor o koncesiji i to za izgradnju teniskih terena u općini Srebrenik koji je bio zaključen između Ministarstva obrazovanja, nauke, kulture i sporta Tuzlanskog kantona i Tenis klub „Srebrenik“ iz Srebrenika, zbog neispunjavanja obaveza iz ugovora.

U oblasti korištenja vodotoka i drugih voda na području Kantona, potpisano je 7 (sedam) novih ugovora o koncesiji i to u oblasti vodosnabdijevanja stanovništva dva ugovora, za zahvatanje i flaširanje vode dva ugovora, za korištenje vode iz vlastitih vodozahvata (bunara) za sanitarne i tehnološke potrebe dva ugovora i za korištenje vode iz vodotoka rijeke za objekat minihidroelektrane jedan ugovor.

U narednim tabelama ćemo prikazati neke od pokazatelja vezanih za ugovore o koncesijama i to :

- a) Tabelarni prikaz broja koncesionih ugovora prema sjedištu koncesionara:

Tabela 2.

Red broj	Općina	Broj aktivnih ugovora	Napomena
1.	Gračanica	8	
2.	Tuzla	7	
3.	Srebrenik	6	
4.	Lukavac	5	
5.	Živinice	4	
6.	Gradačac	4	
7.	Banovići	3	
8.	Kladanj	3	
9.	Kalesija	2	
10.	Sarajevo	2	
11.	Žepče	1	
	Ukupno	45	

- b) Tabelarni prikaz zaključenih ugovora o koncesijama po općinama na čijem se području nalaze predmeti koncesija:

Tabela 3.

Red broj	Općina	Broj predmeta koncesije	Napomena
1.	Živinice	9	
2.	Gračanica	8	
3.	Lukavac	8	
4.	Tuzla	6	
5.	Srebrenik	6	
6.	Kladanj	6	
7.	Gradačac	4	
8.	Banovići	2	
9.	Kalesija	2	
10.	Teočak	1	
11.	Sapna	1	

c) Tabelarni prikaz broja aktivnih ugovora prema predmetima koncesije:

Tabela 4.

Red broj	Predmet koncesije	Broj predmeta koncesije	Napomena
1.	Korištenje voda	19	
2.	Hidroenerg.objekti ispod 5 MW	3	
3.	Korištenje hidroakumulacija	2	
4.	Korištenje energ.miner.sirovina	2	Mrki ugalj
5.	Korištenje energ.miner.sirovina	1	Lignit
6.	Korištenje slanih voda	1	
7.	Ekspl.kamena dolerit-dijabaz	1	
8.	Ekspl.kamena krečnjaka	9	
9.	Ekspl.kvarcnog pijeska	2	
10.	Ekspl.nemetal.miner.sirovina	1	
11.	Korištenje termomineralne vode	2	
12.	Eksploatacija mineralne vode	1	
13.	Eksploatacija CO ₂	1	
14.	Isporuka toplotne energije	1	
15.	Korištenje poljoprivrednog zemljišta	2	
16.	Prostori za sport i rekreaciju	1	

Iz navedenih tabela se da zaključiti da je najveći broj privrednih društava koja imaju potpisane ugovore o korištenju predmeta koncesije sa sjedištem u Gračanici (8), zatim u Tuzli (7), Srebreniku (6), Lukavcu (5), Živinicama (4) i tako dalje (**Tabela 2.**).

Najveći broj predmeta koncesije za koje je potpisan ugovor (**Tabela 3.**), nalazi se na području općina Živinice (9), Gračanica (8), Lukavac (8), Tuzla, Srebrenik i Kladanj (6), s tim da treba napomenuti da se neki od predmeta koncesije prostiru na više općina kao što su jezero „Modrac“ koje koristi JP „Spreča“ d.d. Tuzla, koje se prostire na tri općine (Lukavac, Tuzla i Živinice), odnosno rudnici uglja koje koristi JP „Elektroprivreda BiH“ d.d. Sarajevo ZD Rudnici uglja „Kreka“ d.o.o. Tuzla, koji se prostiru na području četiri općine (Tuzla, Lukavac, Živinice i Kalesija). Treba napomenuti da se na području dvije općine (Doboj Istok, Čelić), ne nalaze predmeti koncesije za koje je zaključen ugovor o koncesiji.

Najveći broj predmeta koncesije za koje su zaključeni ugovori o eksploataciji i korištenju (**Tabela 4.**), odnosi se na korištenje voda (19 predmeta), eksploataciju nemetalnih mineralnih sirovina, kamena krečnjaka (9 predmeta), i energetske mineralne sirovine, ugljeva (3 predmeta).

III NORMATIVNI DIO

Tokom izvještajnog perioda Komisija za koncesije nije predlagala donošenje novih zakona niti podzakonskih akata iz oblasti koncesija i javno-privatnog partnerstva.

IV TEMATSKI DIO

IV 1. Izvještaj o radu Komisije za koncesije za 2014.godinu

Članom 16. Zakona o koncesijama propisano je da Komisija za koncesije podnosi izvještaj o svom radu u prethodnoj fiskalnoj godini Vladi Tuzlanskog kantona najkasnije do 31.maja tekuće godine, koja isti nakon razmatranja dostavlja Skupštini Tuzlanskog kantona u roku od 30 dana na razmatranje i usvajanje.

S tim u vezi Komisija za koncesije je putem Vlade Tuzlanskog kantona, Skupštini Tuzlanskog kantona dostavila Izvještaj o radu Komisije za koncesije za 2014.godinu, u zakonom predviđenom roku.

Vlada Tuzlanskog kantona je svojim Zaključkom broj: 02/1-05-10095/15 od 28.04.2015.godine prihvatila Izvještaj o radu Komisije za koncesije za period 01.01.-31.12.2014.godine.

Skupština Tuzlanskog kantona je na sjednici održanoj 15.06.2015.godine, Zaključkom broj: 01-02-325-2/15 prihvatila Izvještaj o radu Komisije za koncesije za period od 01.01. - 31.12.2014.godine.

IV 2. Nadzor, provjera rada koncesionara i praćenje izvršenja koncesionih ugovora

U sklopu aktivnosti na realizaciju praćenja izvršenja koncesionih ugovora, kako je planirano Programom rada Komisije za koncesije, izvršen je prvi od dva planirana kontrolna nadzora u junu 2015.godine. Ovlašteni predstavnici Komisije za koncesije su izvršili uvid u dokumentaciju u periodu 03.06.-24.06.2015.godine, vezanu za provođenje Ugovora o koncesijama.

Informacija o izvršenom kontrolnom nadzoru obavljenom u junu 2015.godine, shodno Programu rada Komisije za koncesije za 2015.godinu, dostavljena je Vladi Tuzlanskog kantona na razmatranje pod brojem: 20/1-05-17768/15 od 23.07.2015.godine, koja je usvojena Zaključkom Vlade Tuzlanskog kantona broj: 02/1-05-17768/15 od 28.07.2015.godine.

Tačkom II Zaključka, Vlada Tuzlanskog kantona je zadužila Komisiju za koncesije i nadležna kantonalna ministarstva, kao koncesore, da svoje izvještaje i informacije o nadzoru, provjeri rada koncesionara i praćenju izvršenja koncesionih ugovora, dostavljaju Kantonalnom tužilaštvu, Federalnoj upravi za inspeksijske poslove i Kantonalnoj upravi za inspeksijske poslove na uvid i eventualno postupanje u okviru njihovih nadležnosti. S tim u vezi, Komisija za koncesije, u prilogu akta, broj: 20/1-05-18642/15 od 13.08.2015.godine, dostavila je Informaciju u nadzoru, provjeri rada koncesionara i praćenju izvršenja koncesionih ugovora na naprijed navedene adrese i prema Federalnom ministarstvu energije, rudarstva i industrije.

U sklopu aktivnosti na realizaciju praćenja izvršenja koncesionih ugovora, ovlašteni predstavnici Komisije za koncesije, drugi kontrolni nadzor za 2015.godinu, izvršen je u periodu 26.11.2015. do 29.12.2015.godine, i to prvo kod Ministarstava u Vladi Tuzlanskog kantona, kao koncesora, po sljedećem:

Red. broj	Koncesor	Datum	Vrijeme	Sastav komisije
1.	Ministarstvo prostornog uređenja i zaštite okolice	26.11.2015.	09,00	1.Zvonko Lugonjić 2.Dr.Enver Kamberović
2.	Ministarstvo poljoprivrede, šumarstva i vodoprivrede	26.11.2015.	09,30	1.Zvonko Lugonjić 2.Dr.Enver Kamberović
3.	Ministarstvo obrazovanja, nauke, kulture i sporta	27.11.2015.	09,00	1. Nihad Sinanović 2.Sakib Hajdarević
4.	Ministarstvo industrije, energetike i rudarstva	27.11.2015.	09,30	1. Nihad Sinanović 2.Sakib Hajdarević

Komisija je u cilju blagovremenih pripremnih radnji, Ministarstvima koja se pojavljuju kao koncesori, ranije uputila dopis u kome je najavljen termin vršenja nadzora provedbe ugovora o koncesijama od strane Komisije. Takođe je pribavljen i tabelarni pregled stanja obaveza i potraživanja po osnovu naknada za koncesije od strane Ministarstva finansija TK.

IV 2.1.1. Ministarstvo poljoprivrede, šumarstva i vodoprivrede, kao koncesor

Nadzor nad provedbom ugovora o koncesijama, kod Ministarstva poljoprivrede, šumarstva i vodoprivrede Tuzlanskog kantona, kao jednog od koncesora, izvršen je 26.11.2015.godine, o čemu je sačinjen Zapisnik, u dva primjerka, od kojih je svaka od strana, nakon potpisivanja istog, zadržala po jedan primjerak. Zapisnik je, u ime Ministarstva poljoprivrede, šumarstva i vodoprivrede TK, potpisao Medžid Čehić dipl. pravnik, koji je i učestvovao u postupku provođenja nadzora i obezbijedio kopije neophodne dokumentacije za provedbu istog.

Iz Zapisnika je vidljivo da je Ministarstvo poljoprivrede, šumarstva i vodoprivrede, kao koncesor, u 2015.godini, vodilo aktivnosti na provedbi 20 (dvadeset) ugovora o koncesijama i to:

- a) U oblasti eksploatacije i korištenja pitke vode za flaširanje - 6 ugovora
- b) U oblasti eksploatacije i korištenja pitke vode za vodosnabdijevanje - 6 ugovora
- c) U oblasti korištenja vode iz hidroakumulacija - 2 ugovora
- d) U oblasti korištenja vode iz vlastitog bunara - 4 ugovora
- e) U oblasti korištenja poljoprivrednog zemljišta - 2 ugovora

Uvidom u Zapisnik, kao i priloženu dokumentaciju od stane Ministarstva, može se konstatovati da se od strane Ministarstva poljoprivrede, šumarstva i vodoprivrede, kao koncesora, dosta uredno i na vrijeme sastavljaju zapisnici i na osnovu istih izdaju odluke ili rješenja za plaćanje koncesionih naknada, u periodu od 7-30 dana.

IV 2.1.2. Ministarstvo industrije, energetike i rudarstva, kao koncesor

Nadzor nad provedbom ugovora o koncesijama, kod Ministarstva industrije, energetike i rudarstva Tuzlanskog kantona, izvršen je 27.11.2015.godine, o čemu je sačinjen Zapisnik, u dva primjerka, od kojih je svaka od strana, nakon potpisivanja istog, zadržala po jedan primjerak. Zapisnik je, u ime Ministarstva industrije, energetike i rudarstva TK, potpisala Mirsada Umihanić, stručni savjetnik za geologiju i koncesije, koja je i učestvovala u postupku provođenja nadzora i obezbijedila kopije neophodne dokumentacije za provedbu istog.

Iz Zapisnika je vidljivo da je Ministarstvo industrije, energetike i rudarstva, kao koncesor, u 2015.godine, vodilo aktivnosti na provedbi 21 (dvadesetjednog) ugovora o koncesijama i to:

- f) U oblasti eksploatacije kamena - 10 ugovora
- g) U oblasti eksploatacije uglja - 3 ugovora
- h) U oblasti eksploatacije soli i solnih voda - 1 ugovor
- i) U oblasti eksploatacije plina - 1 ugovor
- j) U oblasti eksploatacije termomineralnih voda - 2 ugovora
- k) U oblasti eksploatacije mineralnih voda - 1 ugovor
- l) U oblasti eksploatacije kvarcnog pijeska - 2 ugovora
- m) U oblasti eksploatacije magnezita - 1 ugovor

Većina koncesionara iz ove oblasti nisu stvorili obaveze koje u kratkom vremenskom periodu ne mogu izmiriti, ili su pak te obaveze smanjene u odnosu na stanje sa 31.12.2014.godine. Ipak, prilikom kontrolnog obilaska istima je sugerisano da, u cilju očuvanja poslovnog ugleda koncesionara, prije svega kod bankarskog sektora, insistiraju kod istih da svoje obaveze u što kraćem vremenskom roku izmire i time ne dovedu koncesora u situaciju, da u cilju naplate potraživanja u skladu sa ugovorom i Zakonom, aktivira bankovnu garanciju.

Kada se pak posmatra provedba ugovora o koncesijama u oblasti eksploatacije uglja, tu su evidentni problemi koji se ponavljaju već duži period, a pogotovo provedba ugovora o koncesiji za eksploataciju uglja lignita koji je zaključen sa JP „Elektroprivreda BiH“ d.d. Sarajevo, ZD Rudnici uglja „Kreka“ d.o.o. Tuzla.

Treba napomenuti, da su sva tri koncesionara iz ove oblasti, krajem maja 2012.godine, podnijeli samoinicijativne ponude za dodjelu koncesija na period od 30(trideset) godina, imajući u vidu činjenicu da su im ranije zaključeni ugovori o koncesiji prema članu 38. Zakona o koncesijama istekli, te da postoji potreba obezbjeđenja dugoročnog ugovora o koncesiji, imajući u vidu da se vode aktivnosti na novim investicijama koje se baziraju na potrošnji uglja u svojim proizvodnim procesima. Aktivnosti u tom dijelu je do kraja doveo samo RMU Banovići“ d.d., koji je krajem 2012.godine, zaključio ugovor o koncesiji za eksploataciju mrkog uglja na području Banovića na period od 30 godina, a za dva preostala podnosioca zahtjeva, Ministarstvo industrije, energetike i rudarstva je zaustavilo aktivnosti, do ispunjavanja uslova za nastavak postupka dodjele koncesije. Zaključno sa 31.12.2014.godine, eksploataciju uglja, JP „Elektroprivreda BiH“ d.d. Sarajevo ZD RMU „Đurđevik“ d.o.o. Đurđevik i JP „Elektroprivreda BiH“ d.d. Sarajevo ZD Rudnici „Kreka“ d.o.o. Tuzla, vršili su prema Aneksima Ugovora o koncesiji.

U toku izvještajnog perioda, Ministarstvo industrije, energetike i rudarstva Tuzlanskog kantona, kao koncesor, sačinilo je zapisnike i donijelo odgovarajuća rješenja o plaćanju naknada za eksploataciju uglja, za navedena dva privredna društva, za zadnji kvartal 2014.godine.

JP „Elektroprivreda BiH“ d.d. Sarajevo ZD RMU „Đurđevik“ d.o.o. Đurđevik, uprkos poteškoćama u poslovanju, uspjelo je tokom izvještajnog perioda izmiriti sve obaveze prema ugovoru o koncesiji i aneksima ugovora, zaključno sa 31.12.2014.godine, a kao rezultat toga, uz saglasnost Vlade Tuzlanskog kantona, 21.01.2016.godine zaključen je Aneks V Ugovora o koncesiji, kojim je produžen rok važenja Ugovora do 30.06.2016.godine, sa obavezom izmirenja obaveza po osnovu koncesionih naknada za 2015.godinu u šest jednakih mjesečnih rata do 30.06.2016.godine.

JP „Elektroprivreda BiH“ d.d. Sarajevo ZD Rudnici „Kreka“ d.o.o. Tuzla, u toku izvještajnog perioda nije vršilo uplate po osnovu stvorenih obaveza iz ranijeg perioda za eksploataciju uglja i pored poduzetih aktivnosti od strane Ministarstva industrije, energetike i rudarstva TK, kao koncesora. Tek je, 23.02.2016.godine, Vlada Tuzlanskog kantona, kao koncesor i povjerilac, zastupana po ministru industrije, energetike i rudarstva Tuzlanskog kantona, Srđanu Mićanoviću sa JP „Elektroprivreda BiH“ d.d. Sarajevo ZD Rudnici „Kreka“ d.o.o. Tuzla, kao koncesionarem i dužnikom, zaključila Protokol o načinu izmirenja obaveza po osnovu obračunatih a neuplaćenih koncesionih naknada, zaključno sa 31.12.2014.godine. Ukupan iznos od 9.720.098,00 KM, dužnik se obavezao izmiriti u roku od 5 godina u 60 jednakih mjesečnih rata, počev od 25.01.2017.godine.

IV 2.1.3. Ministarstvo prostornog uređenja i zaštite okolice, kao koncesor

Nadzor nad provedbom ugovora o koncesijama, kod Ministarstva prostornog uređenja i zaštite okolice Tuzlanskog kantona, izvršen je 26.11.2015.godine, o čemu je sačinjen Zapisnik, u dva primjerka, od kojih je svaka od strana, nakon potpisivanja istog, zadržala po jedan primjerak. Zapisnik je, u ime Ministarstva prostornog uređenja i zaštite okolice TK, potpisala Merima Buljubašić, stručni savjetnik za normativne poslove i upravne postupke, koja je i učestvovala u postupku provođenja nadzora i obezbijedila kopije neophodne dokumentacije za provedbu istog.

Iz Zapisnika je vidljivo da je Ministarstvo prostornog uređenja i zaštite okolice, kao koncesor, u 2015.godine, vodilo aktivnosti na provedbi 1 (jednog) ugovora o koncesiji zaključenog sa privrednim društvom „Eko-toplane“ d.o.o. Gračanica. Na osnovu predočene dokumentacije, da se zaključiti da je koncesor u skladu sa Ugovorom o koncesiji u predviđenom roku izdao Rješenje o plaćanju koncesione naknade, koja je izmirena od strane koncesionara, tako da nema nikakvih problema u provedbi navedenog ugovora.

IV 2.1.4. Ministarstvo obrazovanja, nauke, kulture i sporta, kao koncesor

Nadzor nad provedbom ugovora o koncesijama, kod Ministarstva obrazovanja, nauke, kulture i sporta Tuzlanskog kantona, izvršen je 27.11.2015.godine, o čemu je sačinjen Zapisnik, u dva primjerka, od kojih je svaka od strana, nakon potpisivanja istog, zadržala po jedan primjerak. Zapisnik je, u ime Ministarstva obrazovanja, nauke, kulture i sporta TK, potpisao Asim Bojić, stručni savjetnik za normativne i pravne poslove.

Iz Zapisnika je vidljivo da je Ministarstvo obrazovanja, nauke, kulture i sporta, kao koncesor, u 2015.godine, prateći aktivnosti na provedbi 1 (jednog) ugovora o koncesiji zaključenog sa Tenis klubom „Srebrenik“ iz Srebrenika, zbog neispunjavanja obaveza iz ugovora a i ranijeg izjašnjenja koncesionara da nema namjeru pristupiti realizaciji istog zbog nedostatka sredstava, bilo prinuđeno pristupiti raskidu ugovora o koncesiji, što je i učinjeno u decembru 2015.godine.

IV 2.1.5. Nadzor, provjera rada koncesionara i praćenje izvršenja koncesionih ugovora od strane koncesionara

Nadzor, provjeru rada koncesionara i praćenje izvršenja ugovora o koncesijama kod koncesionara, Komisija za koncesije je izvršila prema ranije usvojenom planu, u periodu od 03.12.-29.12.2015.godine.

U cilju izvršenja blagovremenih priprema, obezbjeđenju odgovornih lica i pripreme neophodne dokumentacije, a samim tim i efikasnijeg rada, Komisija za koncesije Tuzlanskog kantona je, najmanje sedam dana prije najavljenog vršenja kontrolnog nadzora, svim koncesionarima uputila dopise kojim ih je obavijestila o terminu vršenja kontrolnog nadzora, obavezi da pripreme svu neophodnu dokumentaciju i da obezbijede prisustvo ovlaštenog lica u toku vršenja nadzora.

IV 2.1.6 Stanje provedbe ugovora o koncesijama, kod koncesionara

U većini slučajeva provedba ugovora o koncesijama se vrši na način i pod uslovima propisanim ugovorom o koncesijama, dok se kod određenog broja koncesionara pojavljuju određeni problemi u provedbi ugovora. S obzirom da su ti problemi različite prirode, to ćemo ih u narednom tekstu istaći odvojeno za svakog koncesionara.

- 1. „Muška voda“ d.o.o. Kladanj** – predmet koncesije je zahvatanje i korištenje prirodne izvorske vode „Muška voda“, na području općine Kladanj, na kaptazama izvora $I_1(I_{1a}, I_{1b}, i I_{1c})$ i I_2 , radi njenog flaširanja i distribucije na tržište, prema zaključenom ugovoru o koncesiji od 13.01.2012.godine, na period od 30 godina, te Aneksima I, II i III Ugovora o koncesiji. Na osnovu odgovora Ministarstva poljoprivrede, šumarstva i vodoprivrede TK, broj: 04/1-01-25-730/09 od 20.10.2015.godine, na zahtjev koncesionara za prolongiranje roka plaćanja II rate preostalog iznosa jednokratne koncesione naknade od 50.500,00 KM, koji je upozoren da bi moglo doći do raskida Ugovora o koncesiji, ukoliko u ostavljenom roku ne bude izmirio stvorene obaveze, koncesionar se obavezao iste izmiriti do kraja 2015.godine, bez obzira na određena sporenja u smislu provedbe Ugovora, što je vidljivo i iz predočenog dopisa, broj: 03-62/15 od 16.11.2015.godine, upućenog prema Ministarstvu poljoprivrede, šumarstva i vodoprivrede Tuzlanskog kantona. Koncesionar je, smatrajući da su povrijeđena

njegova prava, preduzeo određene mjere, podnošenjem tužbe nadležnom sudu, protiv Odluke Vlade Tuzlanskog kantona o dodjeli koncesije za zahvatanje prirodne izvorske vode sa izvora Vrelo 3, Vrelo 4 i Vrelo 5- istražni prostor „Konjuh-Kladanj“, privrednom društvu „Konjuh Natural Resources“ d.o.o. Sarajevo. I pored svih naprijed navedenih problema, koncesionar je nastavio sa aktivnostima na stavljanju predmeta koncesije u funkciju, tako što je izrađen Glavni projekat za flaširnicu i izvršene sve pripreme za dobijanje građevinske dozvole.

2. **„Kobens“ d.o.o. Priluk, Živinice** - Koncesionar prema zaključenom ugovoru o koncesiji sa Ministarstvom poljoprivrede, šumarstva i vodoprivrede TK, vrši eksploataciju prirodne izvorske vode „Kristal“ radi njenog flaširanja i distribucije na tržištu. Prema evidenciji Ministarstva finansija koncesionar nema stvorenih a neizmirenih obaveza po osnovu koncesione naknade.
3. **„Majevički studenac“ d.o.o. Donja Obodnica** – Koncesionar, na osnovu ugovora o koncesiji, obavlja koncesionu djelatnost korištenja prirodne izvorske vode „Majevički studenac“ iz bunara BMS-1 radi njenog flaširanja i distribucije na tržištu. Prema evidenciji Ministarstva finansija TK, koncesionar ima stvorenih a neizmirenih obaveza u iznosu od 5.065,64 KM, u koje je uključena i obaveza po osnovu JKN koju se koncesionar obavezao platiti u ratama. Koncesionar, zbog izraženih problema u poslovanju, nema jasne vizije kada bi mogao stvoriti uslove za redovno izmirivanje već stvorenih i tekućih obaveza, te im je skrenuta pažnja da će se ići sa prijedlogom za raskidanje ugovora, ukoliko se u kraćem vremenskom roku ne pristupi izmirivanju obaveza po osnovu naknada za koncesije.
4. **„GPG Inženjering“ d.o.o. Lukavac** – koncesionar ima zaključen ugovor za zahvatanje pitke vode iz bunara BD-1 na nalazištu „Dewa“, Devetak, u općini Lukavac, flaširanje i distribucije na tržištu. Predočeni su sačinjeni Zapisici o zahvaćenim količinama pitke vode od strane koncesora i shodno tome dobijena Rješenja o obavezi plaćanja koncesione naknade za II i III kvartal 2015.godine. Prema evidenciji Ministarstva finansija Tuzlanskog kantona, koncesionar ima stvorenih a neizmirenih obaveza po osnovu naknada za koncesiju u iznosu od 1.675,96 KM.
5. **„Konjuh Natural Resource“ d.o.o. Sarajevo** – koncesionar ima zaključen ugovor o koncesiji za zahvatanje i korištenje prirodne izvorske vode sa izvora Vrelo 3, 4 i 5 na području općine Kladanj, na period od 30 godina, počev od 29.09.2015.godine, radi flaširanje iste i distribucije na tržištu. Obaveze po osnovu jednokratne koncesione naknade, koncesionar izvršava u skladu sa ugovorom o koncesiji. Radi stvaranja uslova za početak korištenja predmeta koncesije, koncesionar provodi aktivnosti na prikupljanju neophodne dokumentacije.
6. **„Papago“ d.o.o. Lukavac** – koncesionar je, 21.12.2015.godine, zaključio ugovor o koncesiji za zahvatanje vode iz bušenog bunara PV-1 na izvorištu „Planinsko vrelo“, lokalitet Bregovoi, naselje Devetak, općina Lukavac, u cilju flaširanja iste, te po osnovu istog u potpunosti izmirio obaveze po osnovu jednokratne koncesione naknade.

7. **JP“Komunalac“ d.d. Gradačac** - Koncesionar zahvatanje vode sa izvorišta „Okanovići“, bunar B1, B2 i B3 i izvorišta „Stara crpna stanica“ i snabdijevanje stanovništva Gradačca pitkom vodom, vrši u potpunosti u skladu sa zaključenim ugovorom o koncesiji.
8. **JP“Vodovod i kanalizacija“ d.o.o. Banovići** – koncesionar zahvatanje i korištenje vode sa izvorišta „Krabašnica“ i „Studešnica“ za vodosnabdijevanje stanovništva Banovića pitkom vodom, vrši u potpunosti u skladu sa ugovorom o koncesiji.
9. **JP“Vodovod i kanalizacija Kalesija“ d.o.o. Kalesija** –koncesionar zahvatanje i korištenje vode iz bunara BK-1, BK-2 i BK-3 sa izvorišta „Krušik“ za vodosnabdijevanje stanovništva Kalesije vrši u potpunosti u skladu sa zaključenim Ugovorom o koncesiji.
10. **JP Vodovod i kanalizacija „Srebrenik“ d.d. Srebrenik** – Koncesionar korištenje vode iz bunara B-3, B-6 i B-7 za snabdijevanje stanovništva Srebrenika pitkom vodom, vrši u potpunosti u skladu sa zaključenim ugovorom o koncesiji.
11. **JP“Vodovod i kanalizacija“ d.o.o. Gračanica** –koncesionar zahvatanje i korištenje vode sa izvorišta „Vrela“, „Ilidža“, „Zmajevac“ i „Škahovica“, iz bunara „Sklop“, „Seljanuša“ i „Hadžijina voda“ za snabdijevanje stanovništva pitkom vodom, vrši u potpunosti u skladu sa zaključenim Ugovorom o koncesiji.
12. **„Vodovod Vrelo“ d.o.o. Gradačac** – koncesionar je, 03.09.2015.godine, zaključio ugovor o koncesiji za korištenje pitke vode izvorišta „Vrelo“ za potrebe javnog snabdijevanja vodom naseljenih mjesta Mionica I, Mionica II, Mionica Centar, dijela MZ Bagdale-Ahmetaši i dijela MZ Tramošnica-Gornjr Liporašće, općina Gradačac, te po osnovu istog prije zaključenja ugovora u potpunosti izmirio obaveze po osnovu jednokratne koncesione naknade, dok će zapisnik o isporučenim količinama vode za period od dana potpisivanja ugovora do kraja 2015.godine biti sačinjen na početku 2016.godine i u skladu sa istim će od strane Ministarstva poljoprivrede, šumarstva i vodoprivrede TK, kao koncesora, biti donesena odluka o utvrđivanju i plaćanju tekuće koncesione naknade.
13. **JP za vodoprivrednu djelatnost „Spreča“ d.d. Tuzla** – Koncesionar koncesionu djelatnost, zahvatanje vode akumulacije jezera „Modrac“, sa zahvatom u profilu brane Modrac u naselju Modrac, općina Lukavac, radi snabdijevanja tehnološkom vodom privrednih kapaciteta na području općina Lukavac i Tuzla, snabdijevanja vodom općinskih vodovodnih sistema Tuzle i Lukavca te proizvodnju električne energije na istom lokalitetu, obavlja u potpunosti u skladu sa ugovorom o koncesiji.
14. **JP „Elektroprivreda BiH“ d.d Sarajevo** – Koncesionar svoju koncesionu djelatnost, korištenja vode akumulacije „Snježnica“ za snabdijevanje termoelektrane „Ugljevik“ , općinskog vodovodnog sistema Teočaka i za proizvodnju električne energije, koristi u skladu sa ugovorom o koncesiji. Na osnovu sačinjenih i potpisanih zapisnika, zaprimljene Odluke o utvrđenim obavezama po osnovu koncesionih naknada za II i III kvartal tekuće godine i na dan vršenja kontrolnog nadzora nema stvorenih a neizmirenih obaveza po osnovu naknada za koncesiju.

15. **„Zovko oil“ d.o.o. Žepče, benzinska stanica Živinice** – Ovaj koncesionar ima zaključen ugovor o koncesiji za korištenje vode iz vlastitog bunara za sanitarne potrebe na benzinskoj stanici u Živinicama. U toku izvještajnog perioda, navedena benzinska stanica je izdata u zakup, te je nakon dužeg perioda počelo korištenje predmeta koncesije. Koncesionar za tekuću godinu uplatio minimalno utvrđenu koncesionu naknadu i time ispunio ugovorom predviđene obaveze.
16. **„ALFE-MI“ d.o.o. Živinice** – Koncesionar ima zaključen ugovor o koncesiji za korištenje vode iz bunara, koji se nalazi u krugu privrednog društva Živinicama, i u svemu se ponaša u skladu sa ugovorom o koncesiji.
17. **„Gramat“ d.o.o. Gračanica** –Koncesionar ima ugovor o koncesiji za eksploataciju kamena krečnjaka na lokalitetu „Sklop“ Malešići, općina Gračanica, zaključen sa Ministarstvom industrije, energetike i rudarstva Tuzlanskog kantona, kao koncesorom i ugovor za korištenje vode iz bunara B-1, za potrebe tehnološkog procesa na navedenom kamenolomu, zaključen sa Ministarstvom poljoprivrede, šumarstva i vodoprivrede Tuzlanskog kantona, kao koncesorom. Predmete koncesije koncesionar koristi u skladu sa potpisanim ugovorima o koncesiji, a na dan vršenja kontrolnog nadzora evidentirane su obaveze po osnovu naknada za koncesiju za eksploataciju kamena krečnjaka, koje se odnose na obaveze po osnovu izdatog rješenja za III kvartal 2015.godine i obaveze po osnovu Zapisnika o usaglašenim otkopanim količinama kamena krečnjaka na osnovu kvartalnih zapisnika za period 01.07.2014.-01.07.2015.godine i Geodetskog elaborata obračuna otkopanih količina kamena krečnjaka na ležištu „Sklop“ za period 02.07.2014.-01.07.2015.godine.
18. **„Inmer“ d.o.o. Gradačac** – Ovaj koncesionar ima zaključen ugovor o koncesiji sa Ministarstvom poljoprivrede, šumarstva i vodoprivrede Tuzlanskog kantona, od 09.06.2015.godine na period od 30 godina, za korištenje vode iz vlastitog bunara BMI-2, koji se nalazi u krugu mljekare „Inmer“, u djelatnosti prerade i prometa mlijeka, za tehnološke potrebe. Koncesionar se u potpunosti ponaša u skladu sa ugovorom o koncesiji.
19. **„Farma Spreča“ d.o.o. Kalesija** – predmet koncesije je korištenje poljoprivrednog zemljišta u državnom vlasništvu za ratarsku proizvodnju. Zaključenim ugovorom koncesionar je stekao pravo korištenja poljoprivrednog zemljišta površine 155,5 ha na području općine Živinice, na period od 20 godina. Međutim koncesionar do dana vršenja kontrolnog nadzora nije ušao u posjed na površini od oko 19 ha, koje su prema ugovorima o zakupu, koji su istekli prije dodjele koncesije, ranije koristili stanovnici općine Živinice. Koncesionar je i za te površine uredno izmirivao koncesione naknade, u nadi da će ipak jednog dana ući u posjed navedenih površina poljoprivrednog zemljišta. Pošto i pored protoka određenog vremena, koncesionar nije ostvario svoja ugovorom o koncesiji stečena prava, to će Ministarstvu poljoprivrede, šumarstva i vodoprivrede Tuzlanskog kantona, kao koncesoru, podnijeti zahtjev za brisanje iz ugovora dijela zemljišta koje se ne koristi u skladu sa ugovorom, zbog nemogućnosti stupanja u posjed.
20. **„Voćni rasadnik“ d.o.o. Srebrenik** - Koncesionar je stekao pravo korištenja poljoprivrednog zemljišta u vlasništvu države, za voćarsku i ratarsku proizvodnju, na lokaciji Špionica Gornja, općina Srebrenik, prema ugovoru o

koncesiji od 03.09.2012.godine, na period od 30 godina, i po istom je izmirio sve obaveze, tako da na dan vršenja kontrolnog nadzora nema stvorenih a neizmirenih obaveza. Za parcelu zemljišta zv. „Slatina“, površine 2.830 m², koncesionar je putem nadležne službe u općini Srebrenik podnio zahtjev za isknjižavanje iste, jer je u privatnom vlasništvu i ne može ući u posjed, a greškom je obuhvaćena ugovorom o dodijeljenoj koncesiji.

- 21. „Kamenolom Drijenča“ d.o.o. Gračanica** – Eksploataciju kamena krečnjaka na lokalitetu „Drijenča“ u općini Gračanica, u izvještajnom periodu koncesionar vrši u skladu sa ugovorom o koncesiji, zaključenim 2011.godine na period od 5 godina koji je istekao 01.09.2015.godine, te su sa Ministarstvom industrije,energetike i rudarstva TK, uz saglasnost Vlade TK, dana 22.12.2015.godine, zaključili ugovor o koncesiji na polovinu ranije ugovorenog perioda, sa primjenom od 01.09.2015.godine. Od strane koncesora su sačinjeni zapisnici i dostavljena Rješenja o plaćanju naknada za eksploatisane količine kamena krečnjaka, po kojima je koncesionar izmirio sve obaveze izuzev trećeg kvartala 2015.godine koji tek dopijeva za plaćanje.
- 22. Rudnik krečnjaka „Vijenac“ d.o.o. Lukavac** – Koncesionar, predmet koncesije, eksploataciju kamena krečnjaka na lokalitetu „Vijenac“, općina Lukavac, koristi u svemu u skladu sa Ugovorom o koncesiji. Nema stvorenih a neizmirenih obaveza po osnovu naknada za koncesije.
- 23. „Terakop“ d.o.o. Živinice** – Koncesionar u potpunosti ispunjava obaveze koje je preuzeo zaključivanjem ugovora o koncesiji, za eksploataciju kamena krečnjaka na lokalitetu „Oštro Brdo“, selo Gračanica, općina Živinice, sa Ministarstvom industrije, energetike i rudarstva TK.
- 24. „Jata Group“ d.o.o. Srebrenik** – koncesionar prema ugovoru o koncesiji vrši eksploataciju kamena krečnjaka na lokalitetu „Orlova klisura“ u općini Srebrenik. Ugovorom od 09.11.2015.godine, izvršen je prenos ugovora o koncesiji sa starog koncesionara „CGP“ d.o.o. Sarajevo na novog koncesionara „Jata Group“ d.o.o. Srebrenik. Koncesionar ima stvorenih a neizmirenih obaveza iz ranijeg perioda i po osnovu koncesionih naknada za tri kvartala 2015.godine, i prema izjavi ovlaštenog predstavnika, iste bi trebale biti izmirene do kraja 2015.godine.
- 25. „Ingram“d.o.o. Srebrenik** – Koncesionar, na osnovu ugovora o koncesiji zaključenog sa Ministarstvom industrije, energetike i rudarstva TK, kao koncesorom, vrši eksploataciju kamena krečnjaka na lokalitetima „Drenik“ i „Bijela Rijeka“ u općini Srebrenik. Uredno su zaprimljena Rješenja o plaćanju naknada za eksploatisane količine kamena krečnjaka izdata od strane koncesora i na dan vršenja kontrolnog nadzora, ima stvorenih a neizmirenih obaveza po osnovu koncesionih naknada za treći kvartal 2015.godine i isti će prema izjavi predstavnika koncesionara biti oplaćeni u ostavljenom roku.
- 26. „Jablan“ d.o.o. Srebrenik** – Koncesionar vrši eksploataciju građevinskog kamena-krečnjaka na kamenolomu „Gradina“ Potpeć, na osnovu ugovora o koncesiji zaključenog sa Ministarstvom industrije, energetike i rudarstva TK, kao koncesorom. Rješenja o plaćanju naknade za eksploatisanu količinu kamena krečnjaka za II i III kvartal 2015.godine, izdata od strane koncesora su uredno

zaprimljena i evidentirana. Koncesionar ima stvorenih a neizmirenih obaveza po osnovu tekuće koncesione naknade.

- 27. „Geoinženjering“ d.o.o. Kladanj** – Ugovorom o koncesiji, koncesionar je stekao pravo na eksploataciju kamena krečnjaka na lokalitetu „Hrastić“ u općini Kladanj. Oprema pristigla krajem 2014. I početkom 2015.godine još uvijek nije u potpunosti u funkcionalnom stanju. Naime u funkciju bi se mogli staviti dva kamiona za prevoz materijala od mjesta eksploatacije do separacije i jedan utovarivač, dok su drobilična postrojenja i transportne trake još uvijek u fazi remonta. Tokom izvještajnog perioda koncesionar je na koti 490 izvršio miniranje i na tom lokalitetu se nalazi oko 5000 m³ kamena koji se do separacije nije ni transportovao iz naprijed navedenih razloga. Koncesionar je intenzivirao aktivnosti na obezbjeđenju kupaca za plasman proizvoda, jer po otpočinjanju proizvodnje, zbog nešto manjeg prostora za lagerovanje frakcija, neće biti u stanju obezbijediti kontinuitet proizvodnje bez kontinuirane prodaje, odnosno plasmana kamenih agregata na tržištu.
- 28. „Plantrans-dijabaz“ d.o.o. Banovići** – Koncesionar je stekao pravo eksploatacije kamena dijabaza na lokalitetu „Ribnica“ u općini Banovići, na osnovu zaključenog ugovora o koncesiji sa Ministarstvom industrije, energetike i rudarstva TK, kao koncesorom. Koncesionar je tokom 2015.godine imao smanjene aktivnosti, a samim tim i prihode, a iz razloga smanjenja plasmana gotovih proizvoda na tržištu, tako da u drugom kvartalu, prema Zapisniku sačinjenom sa Ministarstvom industrije, energetike i rudarstva TK, nije uopšte vršio eksploataciju kamena dijabaza. Koncesionar je u odnosu na prethodni izvještajni period znatno smanjio dospjele obaveze po osnovu koncesionih naknada.
- 29. „T.S.E.-Transport Speciali Europei“ d.o.o. Kladanj** – Koncesionar je stekao pravo eksploatacije tehničkog građevinskog kamena krečnjaka na lokalitetu kamenoloma „Stupari“ u Stuparima, općina Kladanj, na osnovu zaključenog ugovora o koncesiji sa Ministarstvom industrije, energetike i rudarstva TK, kao koncesorom, od 10.07.2015.godine. Koncesionar je sa koncesorom sačinio Zapisnik o eksploatisanim količinama kamena krečnjaka za treći kvartal 2015.godine i shodno tome koncesor je donio Rješenje o plaćanju koncesione naknade. Zbog uhodavanja proizvodnje u tom periodu nisu eksploatisane veće količine, tako da je tek u zadnjem kvartalu izvještajnog perioda povećano iskorištenje raspoloživih kapaciteta što će biti vidljivo kroz izvještaje u narednom periodu. Koncesionar uredno izmiruje sve dospjele obaveze po osnovu koncesionih naknada, tako da je na dan vršenja kontrolnog nadzora evidentiran samo dio obaveza po osnovu jednokratne koncesione naknade koje, prema ugovoru o koncesiji dopijevaju za plaćanje u prvoj polovini 2016.godine.
- 30. „Rudar“ d.o.o. Tuzla** – koncesionar je, zaključivanjem ugovora o prenosu ugovora o koncesiji sa privrednog društva „Rudnik magnezita Kladanj“ d.o.o. Kladanj na navedeno privredno društvo 23.07.2014.godine, stekao pravo na istraživanje i eksploataciju magnezita na ležištu „Konjuh“ u općini Kladanj. Pošto na navedenoj lokaciji od početka ratnih dejstava u BiH nije vršena eksploatacija rude, to je koncesionar u izvještajnom periodu radio na stvaranju uslova za normalizaciju početka proizvodnje i kroz te radove eksploatisane su

određene količine rude te su u prvoj polovini 2015.godine, potencijalnim kupcima u Grčkoj i Mađarskoj upućeni uzorci sa ciljem otvaranja tržišta i obezbjeđenjem plasmana buduće proizvodnje. Sve do sada stvorene obaveze po osnovu koncesionih naknada (JKN) su izmirene tako da na dan vršenja kontrolnog nadzora, koncesionar nema stvorenih a neizmirenih obaveza. Prema izjavama ovlaštenog predstavnika koncesionara, početak eksploatacije se očekuje u prvoj polovini 2016.godine, i isporuka magnezita prema poznatom kupcu.

31. JP „Elektroprivreda BiH“ d.d. Sarajevo ZD Rudnici uglja“Kreka“ d.o.o.

Tuzla – Do 31.12.2014.godine, koncesionar je vršio eksploataciju uglja lignita na području općina Lukavac, Tuzla, Živinice i Kalesija na osnovu Aneksa III Ugovora o koncesiji, tako da je Ministarstvo industrije, energetike i rudarstva TK sačinilo Zapisnik i na osnovu istog donijelo Rješenje o plaćanju tekuće koncesione naknade za zadnji kvartal 2014.godine, na početku 2015.godine, što je navedeno u Informaciji o nadzoru, provjeri rada koncesionara i praćenju izvršenja ugovora o koncesiji u junu 2015.godine. Ovo privredno društvo, takođe ima zaključen ugovor o koncesiji za eksploataciju kvarcnog pijeska na području općine Lukavac. Pošto navedeno privredno društvo nije imalo zaključen ugovor o koncesiji za eksploataciju uglja za 2015.godinu, to je Komisija za koncesije u decembru 2015.godine izvršila nadzor, provjeru rada koncesionara i praćenje izvršenja ugovora o koncesiji samo za eksploataciju kvarcnog pijeska. Uvidom u dokumentaciju koncesora i koncesionara Komisija za koncesije je konstatovala da je Ministarstvo industrije, energetike i rudarstva TK, kao koncesor, zajedno sa koncesionarom, sačinilo Zapisnike o kvartalnom obračunu otkopanih količina kvarcnog pijeska, za tri kvartala 2015.godine i po osnovu istih donesena su Rješenja o plaćanju naknada za eksploatacane količine kvarcnog pijeska. Stvorene obaveze po ovom osnovu koncesionar je izmirio 04.01.2016.godine, tako da na dan sačinjavanja izvještaja nema stvorenih a neizmirenih obaveza po osnovu naknada za koncesiju za eksploataciju kvarcnog pijeska.

Iako nije provoden nadzor za eksploataciju uglja lignita, zbog toga što nije bilo zaključenog ugovora, ukratko ćemo se osvrnuti na obaveze proizašle po ranijem ugovoru i aneksima ugovora o koncesiji, za eksploataciju uglja ovog privrednog društva. Kao što je od ranije poznato, ovo privredno društvo, kao koncesionar već duži niz godina ne izmiruje uredno obaveze po osnovu koncesionih naknada, a u protekloj godini nije bilo uopće uplata po osnovu obaveza iz ranijeg perioda. Ukupne obaveze ovog privrednog društva, po osnovu koncesionih naknada za eksploataciju uglja na dan sačinjavanja ovog izvještaja iznose 9.720.098,00 KM, s tim da je, prema ranije sačinjenom Protokolu, kojim se koncesionar obavezao da će uz plaćanje tekućih obaveza do kraja 2018.godine platiti cjelokupne obaveze iz ranijeg perioda, za plaćanje krajem 2015.godine dospio iznos od 7.001.364,20 KM, a preostali iznos je trebao biti plaćen do kraja 2018.godine. U cilju stvaranja uslova za zaključivanje dugoročnog ugovora o koncesiju za eksploataciju uglja lignita, kako bi se uklopili u planove izgradnje novog bloka Termoelektrane Tuzla, koji kao sirovinu prema projektu koristi isključivo ugali lignit, Vlada Tuzlanskog kantona, zastupana po Ministru industrije, energetike i rudarstva, 23.02.2016.godine, zaključila je sa JP „Elektroprivreda BiH“ d.d. Sarajevo ZD Rudnici „Kreka“ d.o.o. Tuzla, kao koncesionarom i dužnikom,

Protokol o načinu izmirenja obaveza po osnovu obračunatih a neuplaćenih koncesionih naknada za eksploataciju uglja, zaključno sa 31.12.2014.godine, u iznosu od 9.720.098,00 KM na period od 5 godina. Cjelokupan dug bi, prema navedenom protokolu, trebao biti plaćen u 60 jednakih mjesečnih rata u iznosu od 162.001,63 KM, počev od 25.01.2017.godine. Zaključivanjem navedenog protokola, prestala je primjena ranije zaključenog Protokola o načinu izmirenja obaveza po osnovu obračunatih a neuplaćenih koncesionih naknada iz 2013.godine, što praktično znači da na dan sačinjavanja izvještaja, ovaj koncesionar nema dospjelih a neizmirenih obaveza po osnovu koncesionih naknada.

- 32. JP „Elektroprivreda BiH“ d.d. Sarajevo RMU „Đurđevik“ d.o.o. Đurđevik** – Ovo privredno društvo je kao koncesionar, vršilo eksploataciju mrkog uglja na površinskim kopovima „Višća“ i „Potočari“ i jami „Đurđevik“ u općini Živinice, na osnovu zaključenog Ugovora o koncesiji i Aneksa I, II, III i IV ugovora o koncesiji, zaključenih sa Ministarstvom industrije, energetike i rudarstva Tuzlanskog kantona do 31.12.2014.godine. S tim u vezi, Komisija za koncesije Tuzlanskog kantona nije vršila nadzor i provjeru rada koncesionara i praćenje izvršenja ugovora o koncesiji u decembru 2015.godine. Obzirom na činjenicu da koncesionar do isteka važenja Aneksa IV Ugovora o koncesiji nije izmirio obaveze iz ranijeg perioda niti je uredno izmirivao tekuće obaveze, to Ministarstvo industrije, energetike i rudarstva Tuzlanskog kantona nije poduzimalo aktivnosti na vođenju započetog postupka dodjele dugoročne koncesije niti je radilo na produženju postojećeg ugovora. Praktički tokom 2015.godine, navedeno privredno društvo je vršilo eksploataciju mrkog uglja bez zaključenog ugovora o koncesiji, o čemu su informisani svi nadležni organi u julu 2015.godine, dostavljanjem Informacije o nadzoru, provjeri rada koncesionara i praćenju izvršenja koncesionih ugovora za juni 2015.godine. Navedeno privredno društvo je imajući u vidu mogućnost gubitka dozvole za eksploataciju na navedenim ležištima mrkog uglja, uložilo dodatne napore i tokom izvještajnog perioda, odnosno u prvoj polovini januara 2016.godine, izmirilo sve obaveze stvorene po osnovu naknada za koncesije zaključno sa 31.12.2014.godine, u iznosu od 746.326,13 KM, te je Ministarstvo industrije, energetike i rudarstva TK, kao koncesor, u ime Vlade Tuzlanskog kantona, zaključilo Aneks V ugovora o koncesiji, kojim se rok važenja Ugovora o koncesiji produžava do 30.06.2016.godine, do kada se koncesionar obavezao da će na osnovu sačinjenih obračuna i izdatih rješenja od strane koncesora izvršiti uplatu koncesionih naknada za period 01.01.-31.12.2015.godine u šest jednakih mjesečnih rata a zaključno sa 30.06.2016.godine.
- 33. RMU „Banovići“ d.d. Banovići** – Površinsku i jamsku eksploataciju mrkog uglja unutar granica eksploatacionog polja „Banovići“, na području općine Banovići, koncesionar vrši u skladu sa zaključenim ugovorom o koncesiji sa Ministarstvom industrije, energetike i rudarstva TK, od 21.12.2012.godine, na period od 30 (trideset) godina. Koncesionar se ponaša u skladu sa ugovorom o koncesiji.
- 34. Rudnik soli „Tuzla“ d.d. Tuzla** – Koncesionar vrši eksploataciju slane vode, na ležištu kamene soli „Tetima“ na području Grada Tuzla, na osnovu Ugovora o

koncesiji zaključenog sa Ministarstvom industrije, energetike i rudarstva TK, od 25.02.2013.godine na period od 30 godina. Uredno i na vrijeme su sačinjeni Zapisnici o eksploatisanim količinama slane vode i izdata Rješenja o plaćanju naknade za eksploatisanu količinu slane vode, od strane koncesora, na osnovu kojih su plaćane koncesione naknade, tako da na dan vršenje kontrolnog nadzora nije bilo stvorenih a neizmirenih obaveza po osnovu tekućih koncesionih naknada. Takođe, koncesionar uredno izmiruje i obaveze po osnovu jednokratne koncesione naknade, koje je prema ugovoru o koncesiji potrebno izmirivati u jednakim kvartalnim ratama do kraja 2017.godine.

- 35. „Pjeskara“ d.o.o. Dobošnica** – Koncesionar vrši eksploataciju kvarcnog pijeska na lokalitetu „Selimovo Brdo“ u Dobošnici, općina Lukavac, prema Ugovoru o koncesiji, zaključenim sa Ministarstvom industrije, energetike i rudarstva TK, kao koncesorom, 16.03.2010.godine na period od 20 godina. Koncesionar eksploatisani kvarcnog pijeska, nakon pranja i separisanja, uglavnom koristi za proizvodnju građevinskih materijala (građevinska ljepila, fasade i dr.) i kao takve plasira na tržište. Ugovor o koncesiji se u potpunosti poštuje.
- 36. „Terme“ d.o.o. Gračanica** – Ovaj koncesionar ima zaključena dva ugovora o koncesiji, i to ugovor o koncesiji za eksploataciju termomineralne vode, zaključen sa Ministarstvom industrije, energetike i rudarstva Tuzlanskog kantona 12.06.2013.godine na period od 20 godina i ugovor o koncesiji za eksploataciju plina CO₂, zaključen takođe sa Ministarstvom industrije, energetike i rudarstva Tuzlanskog kantona, 09.10.2009.godine, na period od 20 godina, na lokaciji „Ćelahuša“ u općini Gračanica. Koncesionar uredno izmiruje obaveze po osnovu koncesionih naknada i predmete koncesije koristi u skladu sa ugovorima.
- 37. „Pivara“ d.d. Tuzla** – Koncesionar, prema ugovoru o koncesiji, zaključenim sa Ministarstvom industrije, energetike i rudarstva Tuzlanskog kantona, kao koncesorom, 04.07.2013.godine na period od 5 godina, vrši eksploataciju prirodne mineralne vodena području Grada Tuzla. U vrijeme vršenja nadzora, evidentiran je dug po osnovu tekuće koncesione naknade za II kvartal 2015.godine, a Rješenje o plaćanju naknade za eksploatisanu i flaširanu količinu mineralne vode za III kvartal 2015.godine, izdato od strane koncesora 24.11.2015.godine, još uvijek nije bilo zaprimljeno, te bi u tom smislu trebalo rješenja dostavljati na vrijeme kako bi i koncesionar blagovremeno mogao postupiti po istima. Inače, u odnosu na prethodni izvještajni period, koncesionar dosta urednije izmiruje obaveze po osnovu koncesionih naknada.
- 38. „Eko-toplane“ d.o.o. Gračanica** – Ovaj koncesionar prema Ugovoru o koncesiji, zaključenom sa Ministarstvom prostornog uređenja i zaštite okolice Tuzlanskog kantona, kao koncesorom, od 13.01.2011.godine, na period od 30 godina, vrši isporuku toplotne energije za Gračanicu. Tokom izvještajnog perioda, uz saglasnost Vlade Tuzlanskog kantona, izvršen je prenos 100% glasačkih prava (udjela) sa ranijih vlasnika i osnivača, Enesa Hamidovića, državljanina Republike Austrije (50%) i Richarda Franz Wallmanna, državljanin Republike Austrije (50%), na privredno društvo „Radial“ d.o.o. Gračanica. Još uvijek nije dostignut optimalni broj korisnika toplotne energije, a u narednom periodu se očekuje se blagi rast broja priključaka, a samim tim i racionalnije poslovanje. U skladu sa trenutnim stanjem broja korisnika, koncesionar uredno

vrši snabdijevanje stanovništva i privrede u Gračanici toplotnom energijom i ispunjavaju obaveze prema ugovoru o koncesiji.

39. JZU Centar za fizikalnu medicinu, rehabilitaciju i banjско liječenje „Ilidža“ Gradačac – Koncesionar obavlja koncesionu djelatnost eksploatacije podzemne termomineralne vode sa izvorišta „Ilidža“ u Gradačcu, na osnovu ugovora o koncesiji zaključenog sa Ministarstvom industrije, energetike i rudarstva Tuzlanskog kantona, od 03.11.2014.godine, na period od 30 godina. Koncesionar se u potpunosti ponaša u skladu sa zaključenim ugovorom o koncesiji.

40. Tenis klub „Srebrenik“ Srebrenik – koncesionar je u proteklom periodu, od potpisivanja ugovora o koncesiji za izgradnju teniskih terena u općini Srebrenik, nakon što nije uspio realizirati projekat prema ranije planiranim izvorima sredstava, radio na iznalaženju novih izvora sredstava kako bi zatvorio finansijsku konstrukciju izgradnje navedenih terena. Obzirom na činjenicu da koncesionar nije uspio pokrenuti investiciju izgradnje teniskih terena u dodatno ostavljenim rokovima, to je Ministarstvo obrazovanja, nauke, kulture i sporta Tuzlanskog kantona, kao koncesor, Izjavom, broj: 10/1-03-027393/15 od 01.12.2015.godine, jednostrano raskinulo ugovor zbog neispunjavanja Ugovora o koncesiji, sa 30.11.2015.godine. Navedena Izjava je proslijeđena i općini Srebrenik, koja ubuduće može raspolagati zemljištem koje je bilo obuhvaćeno Ugovorom.

V FINANSIJSKI DIO

Za 2015.godinu planirana sredstva za rad Komisije za koncesije su iznosila 154.371,00 KM, a bliži podaci o utrošku su navedeni u narednoj tabeli:

Tabela 5-Budžet Komisije za koncesije TK za 2015.

Program/pozicija	Planirani iznos u KM	Izvršeni iznos u KM
Komisija za koncesije TK-tekući izdaci-pozicija 1104001		
Bruto plaće i naknade plaća	111.666,00	108.754,24
Naknade troškova zaposlenih	15.000,00	12.856,00
Doprinosi poslodavca i ostali doprinosi	11.665,00	11.419,21
Izdaci za materijal, sitan inventar i usluge	16.040,00	7.954,62
Ukupno sredstva za 2015.godinu	154.371,00	140.984,07

Kako se iz naprijed navedene tabele može vidjeti, Komisija za koncesije se ponašala racionalno u trošenju predviđenih budžetskih sredstava, tako da nije bilo probijanja troškova ni na jednoj poziciji.

VI KAPITALNI PROJEKTI

Komisija za koncesije po prirodi posla nema nikakvih kapitalnih projekata.

VII OCJENA STANJA I POSTIGNUTIH REZULTATA

Komisija za koncesije je u izvještajnom periodu izvršila sve planirane aktivnosti u predviđenim rokovima u predmetima u kojima sama odlučuje ili koji su joj dostavljeni na dalje postupanje.

Neophodno bi bilo da se ulože dodatni naponi kod ministarstava kako bi se ubrzale aktivnosti, okončali postupci po samoinicijativnim ponudama i zaključili novi ugovori o koncesijama, na što smo se na kraju krajeva i obavezali kroz program unapređenja administrativnih postupaka.

Smatramo da su u proteklom periodu postignuti vidni rezultati, kako u pogledu broja zaključenih ugovora, tako isto i u pogledu izvršavanja obaveza po osnovu ugovora o koncesijama. Naime, ranije donesenim Zakonom oizmjenama i dopunama Zakona o koncesijama („Službene novine Tuzlanskog kantona“, broj: 6/11) je propisano obezbjeđenja plaćanja koncesionih naknada putem bankarske garancije, kao i preciznije određivanje organa koji vrše nadzor, provjeru rada i praćenje izvršenja ugovora o koncesiji, organa koji vrše sankcionisanje pravnih i fizičkih lica koja koriste prirodna dobra bez zaključenog ugovora o koncesiji, što za rezultat ima svakodnevno unapređenje stanja u oblasti koncesija.

Kada je u pitanju nadzor, provjera rada koncesionara i praćenje izvršenja koncesionih ugovora, Komisija za koncesije je u potpunosti realizovala planirane aktivnosti kroz dva kontrolna nadzora koncesora i svih koncesionara koji su imali zaključene ugovore. Rezultati redovnog kontrolnog nadzora ogledaju se u tome da su ministarstva, kao koncesori, postigli maksimalnu ažurnost u sačinjavanju zapisnika o korištenju predmeta koncesija i izdavanju odgovarajućih rješenja i odluka o plaćanju koncesionih naknada.

Kao kontinuirani problem u posljednjih nekoliko godina nameće se neizvršavanje ugovorom preuzetih obaveza od strane nekolicine koncesionara u smislu plaćanja koncesionih naknada, a tu se prije svega misli na JP „Elektroprivreda BiH“ d.d. Sarajevo, ZD Rudnici „Kreka“ d.o.o. Tuzla. Svi ostali koncesionari su se uglavnom ponašali u skladu sa zaključenim ugovorima, jer iznosi njihovih dugovanja, izuzev par koncesionara se odnose na tek stvorene obaveze po osnovu izdatih rješenja koje se trebaju izvršiti u zakonskom roku.

Treba napomenuti da bi se u oblasti javno-privatnog partnerstva, pored započetog postupka u jednom predmetu (Odjeljenje za protetiku i ortotiku, Klinike za fizikalnu medicinu i rehabilitaciju, JZU UKC Tuzla), treba kontinuirano raditi na edukaciji, prije svega općinskih službenika, načelnika i gradonačelnika, kako bi se zadovoljile potrebe građana u raznim oblastima (zdravstvene, obrazovne, komunalne, sportske i dr.) za koje trenutno u budžetima nema dovoljno sredstava za samostalnu realizaciju projekata iz navedenih oblasti. S tim u vezi, Komisija za koncesije se u svom punom kapacitetu stavlja na raspolaganje svim zainteresovanim državnim tijelima sa područja Kantona, kako bi im pomogla u otpočinjanju i realizaciji projekata iz ove oblasti, kao i svim potencijalnim privatnim partnerima koji imaju ideju i namjeru za realizaciju potencijalnih projekata na području našeg Kantona.

VIII PROGRAMSKA ORIJENTACIJA

U narednom periodu Komisija za koncesije će prevashodno raditi na rješavanju predmeta u postupcima dodjele koncesija putem tendera ili samoinicijativnih ponuda, rješavanju predmeta iz oblasti javno-privatnog partnerstva i unapređenju u oblasti javno-privatnog partnerstva kroz organizovanje edukacije predstavnika javnih tijela sa područja Tuzlanskog kantona koji bi mogli učestvovati u realizaciji projekata u oblasti javno-privatnog partnerstva.

IX IZVRŠAVANJE PLANIRANIH KONTINUIRANIH POSLOVA

U izvještajnom periodu, Komisija za koncesije je prevashodno učestvovala u postupcima dodjele koncesija, kroz donošenje odluka, mišljenja i zaključaka, što je propisano Zakonom o

koncesijama („Službene novine Tuzlanskog kantona“, broj: 5/04, 7/05, 6/11, 1/13 i 11/14), Dokumentom o politici dodjele koncesija na području Tuzlanskog kantona („Službene novine Tuzlanskog kantona“, broj: 7/06), Pravilima o utvrđivanju minimalnih naknada za koncesije („Službene novine Tuzlanskog kantona“, broj: 7/09) i Pravilima Komisije za koncesije.

Takođe, u izvještajnom periodu je u dva navrata, prema ranije usvojenom planu, vršen nadzor, provjera rada koncesionara i praćenje izvršenja ugovora o koncesijama, što je propisano Zakonom o izmjenama i dopunama Zakona o koncesijama („Službene novine Tuzlanskog kantona“, broj: 6/11), i po okončanju istih su sačinjeni Zapisnici o izvršenom nadzoru i rezultatima nadzora, te po jedan primjerak zapisnika na licu mjesta určen je koncesionarima.

U nadležnosti Komisije za koncesije je i vođenje Registra koncesija, (Službene novine Tuzlanskog kantona“, broj: 5/12), te je u tom smislu vršen unos podataka za novozaključene ugovore, ažuriranje podataka u Registru koncesija na osnovu izmjena i dopuna Ugovora o koncesijama i unos drugih podataka dobijenih od strane ministarstava kao koncesora, vezanih za provedbu ugovora o koncesijama (promjena koncesionara, promjena podataka o koncesionaru, i drugo). Komisija je takođe kontinuirano ažurirala podatke u izvodima iz registra koncesija koji su postavljeni na web stranici Vlade TK.

PRIHODI OD KONCESIJA

Prema usvojenim Izmjenama i dopunama Zakona o koncesijama od aprila 2011.godine, precizirano je da naknade utvrđene ugovorom o koncesiji predstavljaju prihod Kantona i općina na čijem se području nalazi predmet koncesije, a raspoređuje se u omjeru 80% u korist općina i 20% u korist Kantona.

I pored učinjenih dodatnih napora od svih nadležnih koji učestvuju u praćenju izvršenja koncesionih ugovora, koji su polučili značajne rezultate u poboljšanju izvršenja ugovornih obaveza, još uvijek imamo jedan broj koncesionara koji svoje obaveze neredovno izmiruju, što značajno utiče na ukupne rezultate postignute prilikom ubiranja prihoda po osnovu naknada za koncesije.

U skladu sa Zakonom o koncesijama, Ministarstvo finansija Tuzlanskog kantona je izradilo uputstva o vršenju nadzora nad obavezom plaćanja koncesionih naknada, i u skladu sa tačkom IV navedenog Uputstva Ministarstvo finansija prati dinamiku plaćanja koncesionih naknada u skladu sa zaključenim koncesionim ugovorima i izdatim Rješenjima od strane nadležnih ministarstava, odnosno koncesora koje ovlasti Vlada TK.

Prema podacima Ministarstva finansija, tokom 2015.godine, po osnovu naknada za koncesije, ukupno je fakturisano 3.235.454,65 KM, a po osnovu koncesionih naknada u istom periodu je naplaćeno ukupno 3.616.175,26 KM, što govori o povećanju stepena naplate naknada za koncesije u odnosu na prethodni period, što je rezultiralo pojačanim nadzorom provedbe ugovora o koncesijama i propisivanjem obaveze obezbjeđivanja bankovnih garancija.

Najveći prihodi po osnovu naknada za koncesije su ostvareni u oblasti eksploatacije uglja, (2.315.989,20 KM), zatim u oblasti eksploatacije kamena (506.980,37 KM) te slane vode (243.363,30 KM).

Ne treba zanemariti činjenicu da se i većina ostalih koncesionara ponašala u skladu sa ugovorom o koncesiji i da svoje obaveze skoro u potpunosti i na vrijeme ispunjavaju. Isto tako treba naglasiti da sva javna preduzeća koja se bave vodosnabdijevanjem stanovništva, a koja imaju zaključene ugovore o koncesiji, u potpunosti ispunjavaju ugovorne obaveze, tako da na kraju izvještajnog perioda nemaju stvorenih a neizmirenih obaveza po osnovu koncesionih naknada.

U saldu ukupnog duga, odnosno stvorenih a neizmirenih obaveza po osnovu naknada za koncesije, na kraju 2015.godine od 7.819.811,75 KM, učešće dugovanja JP“Elektroprivreda BiH“ d.d. Sarajevo, ZD Rudnici uglja „Kreka“d.o.o. Tuzla, 7.001.364,20 KM, što čini 89,53 % ukupnog duga dospjelog za plaćanje. Stvorene a neizmirene obaveze, po osnovu koncesionih naknada, svih ostalih koncesionara u ukupnom dugu učestvuju sa oko 10,47 %, što se u većini slučajeva odnosi na

dugovanja za koja je ispostavljeno rješenje ili odluka i koja treba da budu plaćena u roku koji je predviđen ugovorom.

Ukupne obaveze JP "Elektroprivreda BiH" d.d. Sarajevo, ZD Rudnici uglja „Kreka“ d.o.o. Tuzla, po osnovu koncesionih naknada za eksploataciju uglja na dan sačinjavanja ovog izvještaja iznose 9.720.098,00 KM, s tim da je, prema ranije sačinjenom Protokolu, kojim se koncesionar obavezao da će uz plaćanje tekućih obaveza do kraja 2018.godine platiti cjelokupne obaveze iz ranijeg perioda, za plaćanje 31.12.2015.godine dospio iznos od 7.001.364,20 KM, a preostali iznos je trebao biti plaćen do kraja 2018.godine. U cilju stvaranja uslova za zaključivanje dugoročnog ugovora o koncesiju za eksploataciju uglja lignita, kako bi se uklopili u planove izgradnje novog bloka Termoelektrane Tuzla, koji kao sirovinu prema projektu koristi isključivo ugalj lignit, Vlada Tuzlanskog kantona, zastupana po Ministru industrije, energetike i rudarstva, 23.02.2016.godine, zaključila je sa JP „Elektroprivreda BiH“ d.d. Sarajevo ZD Rudnici „Kreka“ d.o.o. Tuzla, kao koncesionarom i dužnikom, Protokol o načinu izmirenja obaveza po osnovu obračunatih a neplaćenih koncesionih naknada za eksploataciju uglja, zaključno sa 31.12.2014.godine, u iznosu od 9.720.098,00 KM na period od 5 godina. Cjelokupan dug bi, prema navedenom protokolu, trebao biti plaćen u 60 jednakih mjesečnih rata u iznosu od 162.001,63 KM, počev od 25.01.2017.godine. Zaključivanjem navedenog protokola, prestala je primjena ranije zaključenog Protokola o načinu izmirenja obaveza po osnovu obračunatih a neplaćenih koncesionih naknada iz 2013.godine, što praktično znači da na dan sačinjavanja izvještaja, ovaj koncesionar nema dospjelih a neizmirenih obaveza po osnovu koncesionih naknada.

Stanje stvorenih finansijskih obaveza i stepen naplate koncesionih naknada, na dan 31.12.2015.godine, prema podacima Ministarstva finansija TK, iskazano je u tabeli 6.

**STANJE PRIHODA I OBAVEZA OD
KONCESIJA SA 31.12.2015. god.**

Tabela 6

r.b.	Naziv koncesionara	Poč.stanje 1	Fak.u 2015 2	Ukup.fakt. 1+2	Plaćeno po fakt.	Dug	Utruženo/ Protokol / ugovor	Plaćeno po tužbi,protokolu	Dug
1.	Gramat Gračanica	16.315,60	24.858,00	41.173,60	31.795,90	9.377,70			9.377,70
2.	Kamenolom Drijenča Gračanica	18.287,40	30.031,70	48.319,10	41.679,70	6.639,40			6.639,40
3.	RK Vijenac Lukavac	0,17	200.359,60	200.359,77	200.359,77	0,00			0,00
4.	Rudnik Kreka	5.836.964,40	250.258,60	6.087.223,00	0,00	6.087.223,00	914.131,20*		7.001.364,20
5.	RMU Đurđevik Živinice	668.725,93	77.600,20	746.326,13	689.563,09	56.763,04			56.763,04
6.	RMU Banovići	390.430,09	1.652.787,91	2.043.218,00	1.626.426,11	416.791,89			416.791,89
7.	Terakop	2.896,90	38.869,20	41.766,10	41.766,05	0,05			0,05
8.	Tuzla Kvarc		0,00	0,00	0,00	0,00	(122.490,45*) 35.726.39**	10.207,54	25.518,85
9.	Tuzla Putevi		0,00	0,00	0,00	0,00	113.528,21		113.528,21
10.	Terme Gračanica	0,00	7.024,50	7.024,50	7.024,50	0,00			0,00
11.	Rudnik soli „Tuzla“	49.000,00	194.363,30	243.363,30	243.363,30	0,00	(0,00)*		0,00
12.	Pivara Tuzla	25.958,75	17.605,30	43.564,05	32.344,75	11.219,30			11.219,30
13.	Plantrans Dijabaz Banovići	57.252,05	9.133,50	66.385,55	39.272,75	27.112,80			27.112,80
14.	Ingram Srebrenik	54.822,90	117.053,80	171.876,70	135.106,20	36.770,50			36.770,50
15.	Jata Group Srebrenik (CGP Sarajevo)	0,00	16.526,96	16.526,96	0,00	16.526,96			16.526,96
16.	Geoinženjering Tuzla	0,00	0,00	0,00	0,00	0,00			0,00
17.	Pjeskara Dobošnica	0,00	2.472,80	2.472,80	2.472,80	0,00			0,00
18.	Jablan doo Srebrenik	20.059,70	19.321,25	38.380,95	16.000,00	23.380,95			23.380,95
19.	Rudar doo Tuzla	0,00	69.000,00	69.000,00	69.000,00	0,00			0,00

r.b.	Naziv koncesionara	Poč.stanje 1	Fak.u 2015 2	Ukup.fakt. 1+2	Plaćeno po fakt.	Dug	Utruženo/ Protokol / ugovor	Plaćeno po tužbi,protokolu	Dug
20.	JZU Banja "Ilidža" Gradačac	0,00	30.740,20	30.740,20	30.740,20	0,00			0,00
21.	TSE Kladanj	0,00	29.296,00	29.296,00	15.296,00	14.000,00	(14.000,00)JKN		14.000,00
22.	JP „Spreča“Tuzla	0,00	38.023,89	38.023,89	38.023,89	0,00			0,00
23.	Komunalac Gradačac	0,00	11.185,15	11.185,15	11.185,15	0,00			0,00
24.	JP Vodovod i kanaliz. Gračanica	5.500,00	61.280,42	66.780,42	66.780,42	0,00			0,00
25.	Vodovod i kanaliz. Banovići	0,00	9.100,85	9.100,85	9.100,85	0,00			0,00
26.	Vodov.i kanalizacija Kalesija	0,01	4.580,47	4.580,48	4.580,48	0,00			0,00
27.	Vodovod i kanaliz. Srebrenik	0,00	7.947,22	7.947,22	7.947,22	0,00			0,00
28.	„Muška voda Kladanj	0,00	50.500,00	50.500,00	0,00	50.500,00			50.500,00
29.	Farma Spreča	0,00	0,00	0,00	0,00	0,00			0,00
30.	Gramat Gračanica (voda)	0,00	271,74	271,74	271,74	0,00			0,00
31.	Vodovod Vrelo Mionica Gradačac	0,00	27.000,00	27.000,00	27.000,00	0,00			0,00
32.	Voćni rasadnik Srebr.	0,00	6.804,30	6.804,30	6.804,30	0,00			0,00
33.	JP EPBiH „Snježnica“	0,00	18.259,95	18.259,95	18.259,95	0,00			0,00
34.	ZOVKO OIL Žepče	0,00	63,00	63,00	63,00	0,00			0,00
35.	ALFE MI Živinice	0,00	274,50	274,50	274,50	0,00			0,00
36.	KOBENS Živinice	0,00	2.968,16	2.968,16	2.968,16	0,00			0,00
37.	Majevički studenac Tuzla	1.140,20	3.925,44	5.065,64	0,00	5.065,64			5.065,64
38.	GPG Inženjering Lukavac	0,00	1.999,00	1.999,00	323,04	1.675,96			1.675,96
39.	„INMER“ Gradačac	0,00	49.810,30	49.810,30	46.224,00	3.586,30			3.586,30

r.b.	Naziv koncesionara	Poč.stanje 1	Fak.u 2015 2	Ukup.fakt. 1+2	Plaćeno po fakt.	Dug	Utruženo/ Protokol / ugovor	Plaćeno po tužbi,protokolu	Dug
40.	Konjuh Natural Resources Sarajevo	0,00	118.300,00	118.300,00	118.300,00	0,00			0,00
41.	„Papago“d.o.o. Lukavac	0,00	35.000,00	35.000,00	35.000,00	0,00			0,00
42.	Eko toplane Gračanica	0,00	857,44	857,44	857,44	0,00			0,00
43.	Tenis klub Srebrenik	0,00	0,00	0,00	0,00	0,00			0,00
	UKUPNO	7.147.354,10	3.235.454,65	10.382.808,75	3.616.175,26	6.766.633,49	1.063.385,80	10.207.54	7.819.811,75

4* Obaveze po protokolu dospjele za plaćanja 31.12.2015.godine (PROTOKOL o načinu izmirenja obaveza od 2015. – 2018.godine)

8* PROTOKOL o načinu izmirenja obaveza po osnovu obračunatih a neplaćenih koncesionih naknada, od 2015. – 2017.godine

8** Obaveze po protokolu dospjele za plaćanje sa 31.12.2015.godine

11* Protokol po ugovoru, jednokratna koncesiona naknada, rok plaćanja od 2015. – 2017.godine

Pored naprijed navedenih provedenih aktivnosti od strane Vlade Tuzlanskog kantona i drugih nadležnih tijela, u predmetu JP „Elektroprivreda BiH“ d.d Sarajevo, ZD Rudnici „Kreka“ d.o.o. Tuzla, takođe je rađeno na rješavanju pitanja naplate dospjelih obaveza ili obaveza po ugovorima o koncesiji i to:

- a) **Zaključen je Aneks V Ugovora o koncesiji sa privrednim društvom JP „Elektroprivreda BiH“ d.d Sarajevo, ZD Rudnik mrkog uglja „Đurdevik“ d.o.o. Đurdevik, Živinice**
Ovo privredno društvo zbog neredovnog izmirivanja obaveza po osnovu naknada za koncesije nije moglo zaključiti aneks ugovora o koncesiji za eksploataciju mrkog uglja, niti se mogao nastaviti postupak po samoinicijativnoj ponudi za dosjelu koncesije započet još 2012.godine. Tek po izmirenju cjelokupnih obaveza po osnovu naknada za koncesije stvorenih porema ranijem Ugovoru o koncesiji i Aneksima I,II,III i IV ugovora o koncesiji,Vlada Tuzlanskog kantona, kao koncesor, zastupana po ministru industrije, energetike i rudarstva Srđanu Mićanoviću, zaključila je Aneks V ugovora o koncesiji, kojim se rok važenja Ugovora o koncesiji produžava do 30.06.2016.godine, do kada se koncesionar obavezao da će, na osnovu sačinjenih obračuna i izdatih rješenja od strane koncesora, izvršiti uplatu koncesionih naknada za period 01.01.-31.12.2015.godine, u šest jednakih mjesečnih rata a zaključno sa 30.06.2016.godine.
- b) **Ugovorom sa Rudnik soli „Tuzla“ d.d. Tuzla** je predviđeno da će se obaveze po osnovu jednokratne koncesione naknade u iznosu od 245.000,00 KM izmiriti u 20 (dvadeset) jednakih kvartalnih rata, i preuzete obaveze koncesionar u potpunosti ispunjava, uz plaćanje tekuće koncesione naknade, tako da ovaj koncesionar poštuje potpisani ugovor i nema stvorenih a neizmirenih obaveza. Izmirenje cjelokupnog iznosa obaveze iz Ugovora o koncesiji na ime jednokratne koncesione naknade, koncesionar treba izvršiti do kraja 2017.godine.

Vlada Tuzlanskog kantona, kao povjerilac, zastupan po ministru industrije, energetike i rudarstva, Srđanu Mićanoviću, sa privredni društvom „Tuzla–kvarc“d.o.o.Tuzla, kao dužnikom, zaključila je Protokol o načinu izmirenja obaveza po osnovu obračunatih a neuplaćenih koncesionih naknada, u iznosu od 122.490,45 KM , na period od 24 mjeseca, počev od 01.06.2015.godine. Pošto navedeno privredno društvo nije izvršavalo svoje obaveze prema zaključenom Protokolu, niti je pristupilo potpisivanju Sporazuma, kako je to propisano Protokolom, Ministarstvo industrije, energetike i rudarstva je ovom privrednom društvu dostavilo obavijest o raskidanju Protokola.

Kada se pak radi o privrednom društvu „Tuzla putevi“d.d. Tuzla, nad ovim privrednim društvom je u toku stečajni postupak i obzirom na činjenicu da je iznos ranije stvorenih obaveza po osnovu korištenja predmeta koncesije utužen, to će ova potraživanja biti riješena kroz stečajni postupak.

X PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI, KAO I POTREBE ZA KADROVSKIM I MATERIJALNIM OSPOSOBLJAVANJEM ORGANA I STRUČNIM USAVRŠAVANJEM DRŽAVNIH SLUŽBENIKA I NAMJEŠTENIKA

Komisija za koncesije, prema važećem Zakonu, broji sedam članova, od kojih su pet stalni članovi, a dva člana se kooptiraju iz općine na čijem se području nalazi predmet koncesije za koji je potrebna saglasnost, član 3.stav 1.tačke 8., 11., 12., 13. i 14 (javni linijski prevoz osoba u međugradskom prometu na području Kantona, korištenje poljoprivrednog zemljišta koje nije predmet restitucije, hoteli i ostali turistički objekti, prostori za sport i rekreaciju, komunalne

djelatnosti i druge javne službe, kao i izgradnja, održavanje i korištenje komunalnih objekata, ako drugačije nije utvrđeno posebnim zakonom).

Pet stalnih članova Komisije, uključujući predsjednika i zamjenika predsjednika imenuje Skupština Kantona, na prijedlog Vlade Kantona, iz reda istaknutih stručnjaka u oblasti prava, ekonomije i inženjerstva, na period od pet godina, s tim da mogu biti birani na još jedan mandatni period. Predsjednik i zamjenik predsjednika Komisije ne mogu biti predstavnici istog konstitutivnog naroda.

Organizacija i funkcionisanje Komisije, usklađeni su sa odredbama Ustava Federacije BiH, Ustava Tuzlanskog kantona i Zakona.

Prema pravilniku o unutrašnjoj organizaciji Komisije, predviđeno je formiranje odjeljenja za upravne, stručne i administrativne poslove, koje bi sačinjavali :

1. Sekretar komisije – 1 izvršilac, VSS , državni službenik
2. Mlađi referent za administrativno tehničke poslove – 1 izvršilac, SSS, namještenik
3. Vozač kurir – 1 izvršilac, KV/SSS, namještenik

Od osnivanja Komisije za koncesije, 01.jula 2005.godine, nije vršeno popunjavanje ovih radnih mjesta, a poslove predviđene za navedene uposlenike, obavljaju članovi Komisije.

Za naredni period neophodno bi bilo izvršiti nabavku bar dijela informatičke opreme, jer se izrada i pohranjivanje dokumenata vrši na opremi koja nije završena od 2006.godine.

XI NAČIN OSTVARIVANJA SARADNJE SA FEDERALNIM ORGANIMA, DRUGIM KANTONIMA I NJIHOVIM ORGANIMA, DRUGIM KANTONALNIM ORGANIMA, OPĆINAMA, OMBUDSMENIMA ITD.

Osim suradnje sa drugim kantonima u smislu razmjene iskustava, nije bilo značajnije suradnje sa federalnim organima, izuzev dostavljenja informacija po zahtjevima Federalne uprave policije o korištenju predmeta koncesije na području Tuzlanskog kantona, a u cilju sankcionisanja nelegalnih korisnika istih.

Sa Komisijom za koncesije BiH i FBiH nije bilo nikakve suradnje, dok treba naglasiti da je u protekloj godini, uz saglasnost Ministarstva vanjske trgovine i ekonomskih odnosa BiH i Ministarstva industrije energetike i rudarstva RS, proveden postupak i početkom godine zaključen Ugovor o koncesiji za korištenje vode vodotoka rijeke Spreče, u naselju Donja Orahovica, općina Gračanica, koja se na tom lokalitetu kao predmet koncesije prostire na području oba entiteta. U izvještajnom periodu Komisija je u manjoj ili većoj mjeri ostvarivala saradnju sa organima na raznim nivoima vlasti.

Tokom izvještajnog perioda ostvarena je kontinuirana saradnja sa ministarstvima u Vladi Tuzlanskog kantona, koja se najčešće pojavljuju kao koncesori, kao i sa drugim Ministarstvima po pitanjima iz domena funkcionisanja organa Tuzlanskog kantona.

Predsjednik Komisije

Nihad Sinanović